



BIBLIOTHECA
UNIV. JAGELL.
CRACOVENSIS

35230

1000

Mag. St. Dr.

P


THEOLOGIA.

~~N. 311.~~



35230

IX. 2. 72



M

R.

Cal

IN PASSIONEM
DOMINI
MEDITATIONES
QUADRAGINTA SEX
IUXTA NUMERUM
DIERUM
QUADRAGESIMÆ.


R. P. GASPARIS DRUZBICKI
Societatis JESU. Poloni.



Reimpressa
Califfii in Collegio Ejusdem Soc:
Anno MDCCXXI.

35. 230

T.



N

Lotic

N

sensuali
per ag-
ingruen
plus la
tutis m
es meas
ut possi
Adauge
tias etia
non equ

2.

vobis &
turz ve
tellige
& quant
mentis
vas cord
rus ad




MEDITATIO I.

Fria 4. Cinerum.

*Lotio pedum, Institutio Eucharistiae
Exhortatio.*

Non habebat Christus quod lavaret in se ante mortem, reperit in aliis; voluit ostendere neminem esse tam locum, hoc est Sanctum, qui non indigeret, ut saltem pedes, hoc est affectus, sensualitatisq; delicta lavet. Et poenitentia quidem semper agenda est, sed maxime ante mortem imminentem, ingruentiq; Dei iudicium, urgenda. O Domine, amplius lava me, etiam ab occultis meis. Delicta juventutis meae ferventioresque concupiscentias & ignorantias meas ne memineris, sed dele iniquitates meas semper, ut possim ante te sine culpae & poenae obligatione vivere. Adauge ergo in me Spiritum Contritionis semper. Gratiarum etiam age Christo quod te abluerit & abluat saepe, non aqua, sed sanguine.

2. **H**oc est, ait Christus, Corpus meum, quod pro vobis tradetur. Meum est, sed tradetur vobis & pro vobis, modo vobis proportionato, pro naturae vestrae exigentia, pro dispositionis singularitate. Intellige quodammodo in tua potestate esse fructus, quos, & quantos voles, ex Eucharistia, imo ex omnibus Sacramentis percipere, quantum te disponis; quam copiosus cordis affers, tantum sumis. Sed quid est quod iterum ad Passionem, Eucharistiam Sacram indicat? an



 quia tibi pugnae sunt, cum natura, cum malis habitibus, & Passionibus parare voluit tibi auxilium, & præbere pharmacum? Vide quæ sit causa, quod toties Corpus Christi sumens, tamen effrenes indomitasque passionibus habeas? deinceps dignius hoc Sacramentum tractare proponas. Sat bene tractat, qui ejus sumptione proficit.

3. **E**xhortatur ad dilectionem mutuam Christus: nihil enim prodest Corpus exterius Dei causâ affligere, charitatem autem mutuam deserere. Multos invenies qui carnem graviter atterunt, paucissimos autem, qui in communitate viventes aliorum mores tolerare, aliisque moribus propriis molesti non esse sciant; cogita particulares casus, & personas, quibus tu vel alios ferre non soles, vel aliis ipse molestus es, & emendate in iis, disceque ita esse (juxta Christi petitionem) unum cum omnibus, sicut Filius cum Patre Aeterno unum est. Frustra enim appetes uniri Deo, nisi fueris unitus cum proximo; & sicut propter servandam unitatem cum Deo; ita & propter servandam pacem cum proximo multa subeunda sunt, quæ nolle caro.

Feria 5. post Cineres.

2. *Egressus Urbe, Tristitia,
Relicti discipuli.*

INON vult JESUS ad nostram Redemptionem capi & rapi in urbe: & tu si vis animam tuam redimere à peccatis, occasiones, conversationes, tumultus fuge. Cogita, in quæ peccata, quibus occasionibus sæpius graviusque cadis, & quomodo ex istis coenaculis ac domibus egrediaris disspice, & accurata fac præposita.

2. **I**n itinere, ex urbis egressu, occupat Christum pavor, tædium, tristitia, condole, & contristare cum



5

cum Christo, & scio, quod si servire volueris Deo, Christumque sequi. & à te ipso, tuisque sociis desciscere, reluctantem sis experturus naturam, consuetudinem, reprehensores, linguas, unde cœdia, tristitiaque nascuntur. Sicut autem Christus pergit hæc sentiens, & tu nolis Christo magis esse delicatus, sed ista in timore, & præpara animam.

3. **R**eliquit Discipulos Christus, tu tamen Christum ne desere. imò pete ab illo, ut te secum assumere, & spectatorem, ac si placet consortem etiam Passionis suæ esse velit; hoc ut assequaris, cura esse fervens ut Petrus, purus ut Ioannes. simplex & sincerus ut Iacobus. Et omnino hic statue per totam hanc Sanctam Quadragesimam Christum Dominum patientem animo sequi, observare. imitari, compati; postulans ab illo, ut tibi lumen, fervorem, constantiam donet, quo multa in Christo patiente cognoscere, exprimere in te, in omnibus autem coram ipso perseverare possas.

Feria 6.

3. Oratio, Calix, Sudor sanguineus.

3. **D**isce à Christo, quomodo debeas, & quando orare Christum; in maximis desolationibus maxime Christus orat, ferventissime, diutissime, humillime, resignatissime: tu contra non nisi tunc oras, quando delicis spiritualibus affluis; in oratione es tam incircumspectus, præsumens, piger, vagus, rarus. Quanquam est etiam alius tuus scopulus; ut ad orationem non recurras, nisi quando necessitas te cogit, quando autem quies est, & securitas, facillime orationem negligis.

2. **A**firmæ suæ condescendens Christus naturæ, calicem Passionis auferri petit à se, & tamen rationali



nali parte promptissime illum contemnat, petitque non suam, sed Patris fieri voluntatem. Orat ergo pro se, contra se, quod petit auferri, hoc postulat impleri. Disce & tu in pugnis interioribus te gerere debere, nec attendere quid caro possit, sed quid spiritui expediat & profit, quidque ratio, & Deus, & Superior velit. O si induere conareris affectum illum JESU Christi, quo ille oblatum à Patre per manus confortantis Angeli Passionis calicem hausit, & jam tunc absorbit, ut tu quoque Crucem, dolorem, contemptumque tui pro Christo assumere, & sustinere eadem illa aviditate, & constantia velis. Nemo enim Christo melior patiendi Magister, utinam & tu sis discipulus saltem bonus.

3. **S**udas Christus, putas præ deliciis, & otio? Quin & tu te resolvis, & tandem statuis Christo servire usque ad defatigationem. Non aasim proponere usque ad sanguinem Domine JESU, sed si tuæ voluntati placet, fiat. Optima non potes sudare, sanguinem tuum pro Christo, fundendo, iuda salutem Christi sanguinem colligendo. Sanguis Christi, perfectio tua, Sanguis Christi, salus animarum. Gutta sanguinis Christi, sunt minimæ occasiones merendi, & Deo placendi, quæ ideo guttæ, quia videntur parvæ, ideo sanguinis, quia à Christi sanguine habent, ut rectè usurpantur ad vitam æternam possint procedere. Gutta sanguinis Christi inspirationes bonæ, quod enim à Deo dantur meruit Christus sua Passione. Hunc omnem sanguinem si curasti, sanguinem Christi sudorem collegisti, ideo pretium laboris à Christo sperare potes, sed heu sanguis Christi sudor factus est decurrens in terram, in vanum. &c.

✻ ✻ ✻
Sabbatho.

4. *Dormitio discipulorum.*
Obviano hostibus. Osculum.

1. **O** Rante & agonizante JESU, dormiunt discipuli. Sic scilicet, quando Deus maximè pro salute nostra excubat, nos peccamus, nos tepiditari, nos torpori, & offensis Dei indulgemus, quasi Christus ideo fatigat, ut nos nihil agamus: nec veremur amarum illud Verbum. Simon dormis? sic non potuisti unâ horâ vigilare mecum? O surge anima mea, exsurge à mortuis istis operibus, tepide, negligenter, frustra, factis, & in luce, sicut filium lucis decet ambula.

2. **S** Ciebatur Christus festinare Iudam, & Iudæos cum ministris ad se capiendum. festinat ergo & ille nec cedit, inò procedit obviam, & præcedit amore furorem, sciens icèt omnia quæ ventura erant super eum. Ubi tua virtus ô homo, si quid triste, vel à longè, vel falso præfigit animus, si quæ confessionis suspicio se prede, illico variabula excusationum, pretextuum, consultationum, dissimulationum, impatientiæ, vindictarum, quærentur. Nanquid hoc est dicere, surgite eamus, ecce occasio patiendi, confessionis, meriti laboris? Examinate te, quoties occasiones hujusmodi à Divina manu oblatas rejicis?

3. **I** Antopere Christus amica sanctorum animarum amat oscula, ut vel falsò, vel sistè accedenti non admitat suaviatones; & quantò putas libentius acceptaret, à sincero. puroque fervore charitatis profecta? Gloriatu est coram Elia de Achabi quanquam minus sincera poenitentia Deus. O si, vel semel liceat dare veri amoris osculum Christi! O si ne semel contingat Christum Iscarioticè osculari! sed quoties (cheu!) sic de. 12

quoties jam soleo illo modo dare? Exere affectus anima mea, sed humiles, sed solidos, sed amorosos, & illis JESUM complectere, & tuis castis osculis, Iudæ osculum deterge, quodsi oris osculo, indignam te (merito) puras, pedes osculare, lambe vestigia pedum ejus.

Dominica I. Quadragesimæ.

5. Casus hostium, Captivitas Christi, Fuga discipulorum.

I. **V**ERBO JESUS prostravit universas hostium phalanges. Eheu! quis sustinebit judicantem, quem nemo sustinere potest patientem. Potuit Judas sustinere lavantem pedes, admittentem ad osculum, dantem sui Corporis Sacramentum, amici nomine compellantem, proditoris signum exprobrantem: non potuit, quod re ipsa esset, de se confidentem. Scilicet omnes alios vultus Dei, peccator eludere potest, germanam Dei faciem non potest; facies hæc, est ipsum esse, ait: Ego sum qui vos creavi, qui Patres vestros ex Ægypto eduxi. Ego sum in quem cadere non potest infirmitas. Ego sum à quo totum vestrum dependet esse. Ego sum solus, & extra me alius non est ullus, & ut sciatis quod vos non possitis, nisi quantum ego concedo. Cadite &c. Ut quid ergo scelera sceleribus cumulas homo, & tepiditatem auges negligentiam? An nescis quod qui te judicat Dominus est? Audi sæpe Christum ingeminentem. Ego sum Creator tuus, Redemptor tuus, Iudex tuus, Punitor tuus. Quomodo servis Creatori, amas Redemptorem, times Iudicem? tu autem quid? potes quidem dicere. Ego sum factura tua, Redemptus tuus, Reus tuus, sed num potes dicere: Ego sum servus tuus? fidelis tuus; non potes: cura ut possis.

Quadragesime.

2. **C**aptivus Christus in manibus hostium gemit, & tu compateris illi? merito; sed vide ne etiam in tuis vnculis gemat. Posuisti, aut accepisti illum in specie panis, quam puro corde, quam humili, ardentiq̃ affectu? Vide quomodo Christus ab te tractetur, num non ut ab his Iudæis, num etiam pejus? Iudas tradito Christo, præcipit militibus tenete, ducite cautè, tenes tu, an ejicis? ducis cautè, an tractas inverecundè? Et quid prodest Christum recipere, si non retines; quid juvat retinere, indignè autem tractare? Captivus Christum, qui viam Dei, & veritatem in iniquitate detinet, nec ad justitiam erudit multos, quos potest, quos tenetur.

3. **F**ugiunt Discipuli, quia ad Passionem ventum est. Compatere derelicto JESU, ex intimis medullis, audiens illum indignissimè haberi ab hostibus, deferri a discipulis. Disce quid possint ex se homines, etsi aliàs cum Christo conversari assuevi, etsi aliàs ferventes? Cogita quàm sæpè, quàm facilè, in leviori, quàm præsens est, occasione, à Christo recedis, & turpiter fugis? Do e de tua inconstantia, & te de tua infirmitate humilia, illud autem Christi robur, quo ille in hac captivitatis suæ hora abundabat, à Christo devotè postula, ut ei colligari, cum eo ad præsidēs trahi, calumnias, & cruciatus pati possis.

Feria 2.

6. Anna examen, Alapa, Responsio.

1. **E**xaminatur JESUS, nec dedignatur subire, iudex omnium, censuras impiorum. Tu ita superbus es, ut tuæ opéra nullam mereri censuram, aut reprehensionem putes, nullius iudicio putas esse subicienda. Recole quàm tu piger es, & perfunctorius, in

tuz conscientia examine. Disce sic vivere, si que te semper gerere, ut possis cum Christo dicere. Ego palam locutus sum, & in occulto locutus sum nihil, cogitavi nihil, feci nihil, cujus testem consciamque habere metum. Disce sic vivere, ut purissimus divinitatis ille oculus, omnia intime internoscens, nihil in te reprehensibile inveniat.

2. **P**RO! quod istud ad aures fulmen verberat? **I**nfligit Christo alapa est anima mea, & tu non tota exhorrescis, pioque stupore palles? Sic scilicet et dissimulamus saepe dum Christo injuriam fieri videmus. Sed videtne in gratiam humanam favoremque Principum imitiam esse Christo alapam hanc? Heu respectus humani: quam frequenter ego vestram causam Christum in faciem cado, a bono resilio, malum committo? Rubet vultus Christi, ah dolor? sed quidni, non tam rubet a pugno servi, quam a contemptu meo? certe scimus honestos homines magis pudere repelli, quam percuti.

3. **Q**uis crederet hucusque perventurum Deum. **H**ominem abjectionis, ut diceret homini vilis. Quid me cadis? mea te calamitas a cadendo avocare debuerat, satis aliunde afflictus, & affligendus sum, quid me cadis? Non ait tamen: Homo, serve impie, quis tu es qui me cadis? &c. Anima mea non tu etiam cum Christo dices huic servo, ejusque supparibus, quid Christum cadis? Senti aliquantulam partem doloris & confusionis hujus, quam Christus sustinet, & quæ Christo extorsit hæc verba, quæ tot alii cruciatus, & indignitates non extorsere. Non protulit illa Christus, ut argueret, sed ut commiserationem inveniret. Vide quoties tibi dicit anima, quoties conscientia, Regula, Chagitas, Obedientia, Paupertas, quid me cadis?

Feria 3.

7 Caiphas, Falsi testes, Adiuratio.

1. **A** Pud Annam Christus examinatur de rebus veris, apud Caipham obicitur falsus, sed quomodo in eo, in quo verum malum non fuit, falsum inveniretur? Non est consilium contra Dominum cum fiat ante Judices, quando ipse venerit ad iudicandum & sederit, quis illud inveniet? quis respondebit ei unum pro mille? Humana iudicia, & sententias non time, nec iustitiam tuam desere, quam cepisti tenere? si innocens es, illum time iudicem, qui in lucernis scrutatur etiam Ierusalem. Vide qualis in hac parte sis?

2. **L** Alis testimoniis Christus accusatur, ideoque absolveretur potius si esset apud eos causa, qui veritatem scire, & non potius innocentiam opprimere vellent. O quam frequenter accidit etiam iis qui proficere alioquin in bono student, ut non tam resistere a malis consiliis, quam ea fucatis coloribus palliare, effectaque dictamina conscientis suis, per vim obtrudere soleant? Saepe injurias vindicant, & zelare pro bono communi se dicunt: dicunt non ideo se narrare, ut detractum famae sit, sed quia minus sibi probatur, ut caveant alii, quia res nota est. Dilce non cuilibet spiritui credere, sed proba spiritus utrum ex Deo sint, & omnia tua facta, ad sensum horae mortis, huiusque iudicii Divini explora. Non enim potest male iudicare, qui iudicii sui timet habere scrutatorem & interpretem
DEUM

3. **A** Diuratur Christus per Deum vivum, & facit pro nominis Divini reverentia, dici que id audientibus habitibus, quod sciebat extremae sibi fraudi futurum. Qui tu fidenter adjuras etiam Christum ligatum. Adjuro te ut dicas mihi, si tu es Christus: quem ego sequor,

sequor, cui ego servio? scio te esse, scio per fidem, & intellectum, sed scire volo per affectum, & per aliorum quendam, quem magnis tuis Sanctis communicare gaudes sentum. Adjuro te mihi JESV per Deum vivum, per tuam inquam Divinitatem, ut dicas mihi verbum, quo cognoscam te in luce tua, ut sciam te, & amem te, ut sciam me scire, & me amare te, & ambulare coram te corde sincero & perfecto, prout par est in gradu excellenti, & heroico; utque sciam, quantum adhuc desis mihi. Petes a Christo spiritus prudentiam, quo Christum & scias ipse, & aliis noveris annuntiare opportunè, fructuosè, sedulé, efficaciter.

Feria 4.

8. Scissio Vestium Caiphae. Blasphemia, mortisque reus proclamatur.

1. **I**nvidia quò non deducat? ad actus etiam pudendos & indignos se, sed quia invidia est, non videt, eum tamen cui nocere vult, & modum nocendi videt. Commune, & pejus pessimis malum, à quo etiam magnorum rari liberi sunt, imò si qui illi obnoxii, hi maxime. Est tamen fraudulentum: omnia alia se esse potius quam invidiam simulat; commissum est officium, applicatur ad aliquid, successit bene negotium, laudatur alter, habetur ejus ratio: quid fit? in corde stulti nascitur invidia, sed zelo Dei, & boni communis induta: itaque mox extenuantur dotes proximi, allegantur mores præteriti, aut eventus, deteguntur defectus, carpuntur bona, & quid non? Quem diligit Dominus liberabitur à malo isto; tu anima supplica Christo.

2. **Q**ui ne perderet obedientiam, perdidit vitam, qui adjuratus per Deum obstanti nominis maestatem, verbum verum quidem, sed tamen sibi mortiferum

ferum dixit. Qui non suam sed Domini voluntarem fieri petit, qui etsi a Patre duodecim legiones rogare potuit, propter Patris tamen obedientiam noluit, is blasphemasse Deum dicitur. Frequens talis occasio patiendi in communitate, ubi laudandus quis erat, ibi culpatur. In hac materia, quomodo te gerere soleas, diligenter dispice, quomodo debeas, à Christo disce.

3. **R**eus est mortis Dominus JESUS anima mea, reus omnino; quia cum dilexisset te, tradidit semetipsum pro te; quia in finem dilexit te, morti addendam, mortis ream, mortuam; an non qui tangit picem, coquinabitur ab ea? Falso conciliabulum istud clamat Christum mortis reum, clama tu verè: Reus es mortis Domine JESU, descendisti de cælo, incarnatus es, vixisti, laborasti, captus es. omnia facere & pati decrevisti, pro salutè mea: verbum autem tuum; quantum magis decretum? quomodo potest transire? reus es mortis. At tu anima mea, non es rea amoris! non amabis amorem istum Christi, qui illum fecit reum mortis tuæ, & pro te? Imò ama, & ad mortem usq; amare ut possis Christo supplica. Dignus est enim morte, qui JESUM non diligit mortuum pro se.

Feria 5.

9. *Sputa, Velamen, Verbera.*

I. **D**Amnatus à Pontificibus, conspuitur à Satellitibus JESUS, heu me qualis contumèlia? Vultum Angelis desiderabilem & terribilem conspuunt homines vilissimi & pessimi. Heu! quàm sæpe ad ductum Dominorum peccare pergunt subditi & præsentibus majoribus suffragantur, sequunturq; inferiores. Formidanda res præesse, imò & magnum esse, si magnus & magnus es, magnus peccator es? non enim tibi solè peccas, sed

sed multis, quos tuo exemplo audaciores facis ad disciplinam fovendam, ad negligenda bona; sic vive, tuo ne exemplo alius causam vel minimam peccandi sumat: anima tua, pro anima ejus. Væ mundo à scandalis sed magis væ scandalis ipsis, maximum autem væ magnis scandali datoribus. Hactenus Religionis disciplina Virgo fuit, tu primus eris, qui illam prostituas, scandalumque facies?

2. **V**elamen Vultui Christi impositum est, anus quo sputorum irreverentissimas sordes detergat, habeat? an suam ipsius spurcitiem impietas foetare horret? An piissimo Christi vultu moveri, atque mansuescere se sentiens impiorum animus, pius ne fieret timuit, ideoque Christi faciem velavit? O anima velamen Christi vultui nunquam obijce, sed ut vel peccantem te aspiciat IESUS, velis? proderit tibi, sicut profuit Petro. O si tu vultus Christi velamen esse potuisses anima mea, ut sputa barbarorum haurire, & ictus excipere, Christoque servire potuisses!

3. **V**erberatur, & de percussore prophetare jubetur, quasi sit mendax tua Veritas, o æterna Veritas! sed scilicet quasi per risum stultus operatur malum. O cor, si pium es, hic est occasio pietatis; profectibus tuis isthæc petra tunditur, ut tu fugere mel possis, oleumque impingans caput colligere; cur queso non proficis o anima, quid te ad Sanctitatis, hoc est. ad constantis, ac fructiferæ virtutis studium adducet; si hæc Christi ignominia in oculis tuis, ab ipso tolerata, pro te, non adducet?

Feria 6.

10. *Negatio Petri, Canus Galli,
Respectus Christi.*

E. **O** Quam miseri sunt profectus nostri, & quam infirma

infirma
præ zif
tum
lus irē
juramen
Plane h
statem
sa obli
istum?
negātes
2. I
anis co
li Petru
tra pec
Deus et
facie.
homine
apposite
solus D
3. S
& conve
sibi, sed
met ani
aspicieb
cere vi
pro cul
tum len
spectu a
oculis e
spice &
quenter
ut defid

infirmæ soliditates nostræ? ille Petrus, qui Christum præ æstimationis magnitudine, à latione pedum arcebat, cum quo præ feruorè, in carcerem, in mortem, vel solus irè audebat, jam Christum notum sibi esse, cum juramento, & anathemate, ac detestatione pernegat; Plane hoc apud me frequentissimum: nunc mirè Majestatem Dei revereri, & statim eandem levissima de causa oblivisci, ac offendere. Non nosti Petre hominem istum? verè eum non nôras, si enim cognovisses, non negasses.

2. **N**Egat Petrus, cantat gallus, scilicet, quando homo peccat, conscientia vigilat: & velut canis custos in foribus peccatum adest. Sed cantus galli Petrum non convertit, neque etiamsi peccatum contra peccatorem est, semper illum emendat. Verùm Deus est, qui peccata remittit, & converti peccatores facit. Superiores, concionatores, galli sunt, peccant homines, galli canunt; canunt inquam, quia confonè, appositè, harmonicè, pro ingenio, & captu dicunt. sed solus Deus fingit animos, & loquitur ad cor.

3. **S**OL terram respicit tot oculis, quot radiis, per idque varia producit. Respexit Christus Petrũ, & convertit in fletum petram; amarè quidem Petrus flevit sibi, sed dulciter Christo. Vide quomodo Christus amet animas; tam malè habebatur ipse, & tamen Petrum aspiciebat atque convertebat. Rem Christo grãtam facere vis? animam tuam, animas aliorum, ad amarus pro culpis fletus provoca; sic enim Dolores Christi multum lenivisti. Roga JESUM, ut te frequenter hæc aspectu aspiciat. Verè enim sanitas in portis, hoc, est, oculis ejus, & aspectus ejus emissiones aquarum. Respice & tu Christum, efficacis imitationis desiderio frequenter, respice ut ames, ut compatiaris, ut sequaris, ut desideres, gratias agas, imiteris.

11. Totius noctis blasphemie

1. **R**evoca in memoriã omnia, quæ istã nocte Christus ab impiissimis illis passus est, & simul revoca totius mundi, & tua inprimis, quibus occultius & scelerius Divinam Majestatem offendisti, & tua scelera, pœnis Christi conterens, illaque harum causam esse agnoscens, amarissimè quantum potes culpas tuas desle, dolores, & ignominias Christi in te ipsam transfer, & pœnis tuis luere statue, & contende. Sæpe etiam Deum deprecare pro istis peccatis, quæ vel sceleriora, vel tibi occultiora sunt, nec pro tuis solum, sed pro omnibus illis aliorum peccatis, quæ sunt magis probrosa, occulta sine pœnitentia, vel ob negi gentiam, vel ob ignorantiam culpabilem, relicta.

2. **R**ecogita quanta hominum talium multitudo, qui ex ignorantia Deum graviter offendit, & existima talia peccata esse nocturna ista Christi supplicia; & quid hæc facies? ora pro augendo fidei lumine in mundo, ora pro dardis Ecclesie Apostolicis viris, ora pro conversione infidelium, pro emendatione Christianorum. Te ipsum, quæ potes ad hunc laborem Domino offer, accingere, & præparare stude. Condole Christo, quod etiam hodie, in hac nocte gravissimas scelerum pœnas, apud impios homines quasi luat, euniquè cum potens sit, & velit, roga, ut hanc noctem quam efficacissimè discutiat.

3. **P**erpende Christi Excellentiam, injuriasam hujus noctis magnitudinem, & longitudinem; excita in te compassionem sensibilem, de tantis injuriis tali personæ inflatis. Amoris intensos erga Christum afficitus esse. Singulas injurias Christi, actu compensa, conformari Christo, aliquã tui submissione, & contemp

ptu constitue, & totâ hac vg die illius infelicia noctis lachrimabilem memoriam animo retine.

Dominica 2. Quadragesimæ.
12. Concilium matutinum, Con-
demnatio secunda, Iudæ Pœnitentia.

I. **M**ANÈ factò adducitur iterum ad Concilium JESUS, & statuitur ante Principes Iudzorū, examinatur iterum, & an sit ipse Christus interrogatur, Christus JESUS in Sacramento est quasi vinctus in concilio. Examina diligenter anima mea vinctum istum, quem verba Sacerdotalia de cœlo evocant, & sub speciebus velut in carcere collocant, manus verò in altari, tanquam in concilio proponant, non tamen superbè, sed humiliter, quære ex illo dicens: Si tu es Christus dic nobis? Multum proderit tibi responsio JESU, si respondere dignabitur, & quidni dignetur tibi dicere ad honorem suum, quod respondit Iudzis ad perniciem suam. O JESU mi, si tu es Christus dic nobis, dic intellectui, ut te sciat; voluntati, ut amet; dic toti Ecclesiæ, ut te honoret; toti mundo, ut credat, & tibi seruiat, hosque Passionis tuæ contemptus compenset.

2. **S**ED quid adhuc desideramus testimonium, cum ipsi audiamus de ore tuo piissime JESU, quod tu sis Christus Filius Dei. Condemnant te Iudæi propter vocem hanc: at ego te Salvator mi, veritas mea, & misericordia mea, amo, & laudo, & toti mundo annuntiare cupio, quod sis Christus. O anima mea videsne tu Christum Dei Filium tui causâ sic afflictum, & humiliatum? audis damnatum? vides denuo vinctum? cur ergo non ingemiscis, ad tale spectaculum? cur non & tu vinciri, ac stringi votorum, diligentiz, ac mortificationis, arctioribus quotidie vinculis gaudes? vide

an molesta sit tibi disciplina? Quid respondebis Christo objicienti. Ego vincior, tu vinciri non vis?

3. **O** Iudicia tua JESU tremenda, judicaris ipse ab impiis, & tamen simul judicas impios; fertur contra te mortis iniqua sententia, & tamen tu quoque iudicium terribile supra impios pronuntias. Judicas Petrum negantem & salvas; judicas Iudam poenitentem, & damnas. Ut converteretur, nec Petrus, nec Iudas meruit; reperisti tamen tu in sapientia tua, unde Petrum salvares; & in justitia invenisti, unde Iudam perderes. Excita in te anima mea timorem vincti huius JESU, castum, & filialem: quoniam vides in manu ejus claves vitæ & mortis, & roga, ut nunquam circa te clavibus mortis, semper autem vitæ utatur, simulq; vide, ne tua poenitentia sit, sicut Iudæ.

Feria 2.

13. JESVS in prætório Stat
ante præsidem: Silet.

1. **A** Dduci JESUM ad prætorium, nihil est aliud, quam velle Deum habere in conscientia, perturbationibus obnoxia, vel velle Christo quietè servire in multorum inutili conversatione. Non quiescis JESUS in prætorio, nec locum habet in corde passionato. Ejice priùs turbam, quæ Christum deridet, & tunc Christum introduc. Cogita quibus præcipuè turbationibus movearis, ac quæ in te vitia regnant, quibus inventis ea ad JESUM adduc, & ipsum Iudicem miseriæ tuæ statue, ut misertus tui sanet te.

2. **S** Tetit JESUS ante præsidem. O quâ vultus, morumque modestiâ stetit? stetit sanè tanquam coram eo, in quo potestatem agnoscebat supernam. Tu vide quomodo stes, quomodo ambules, coram Deo tuo,

quo, Præfide tuo, Fratribus tuis? Non est (ait prædo
animarum) Deus in conspectu eorum, nunc interibunt;
quidni intereat homo (Religiosus) quoties de Deo non co-
gitat, quandoquidem aut bestia, aut diabolus est? Di-
sce vel sic te gerere coram Christo, quomodo se Chri-
stus gessit coram Præfide Pilato.

3. **A**ces mi JESU: nec ad accusationes hostium
respondes. O si me silentium tuum filere do-
ceat, quando consistit peccator, hoc est, peccandi oc-
casio, adversum me. O si sileant mihi inquietudines
omnes cordis mei, vanæ & stultæ, ut soli vacem tibi, &
os cordis mei loquatur animæ meæ, magnitudinem mi-
rabiliū operum, & dolorum, & contemptuum tuorum? O
si cor meum discat esse fidens in te Deum suum, tibiq̃ue
causam suam derelinquere, & omnem cogitatum suum
jactare in te, cui est cura de se. Vide quàm sæpe, &
quibus occasionibus labaris per linguam?

Feria 3.

14. *Mittitur Herodi, Gaudet
Herodes, multis interrogatur.*

I. **C**hristus captivus ligatusq̃ue, stipatusq̃ue turmis,
calumniatorum obit tribunalia, & Palatia Prin-
cipum, & Præfidum, & Regum. Mi JESU quid hoc
rei est? olim cum te vellent facere Regem turbæ, fugie-
bas; cum te patibularium facere volunt, Regibus te
præsentas? Non poteras ordinare, ut ad unum addu-
ctus judicem ab eo damnareris, sed omnibus præsentari
volebas? An sic nostrum triumphas factum, qui ad
honores cæci ruimus, a contumeliis verò, maxime verò
in conspectu magnatum refugimus, nihilq̃ue ducimus
acerbius, quàm confundi, aut detractum nobis esse coram
honoratis, & multis? An potius delectabant amorem

tuum illæ confusiones & vincula, itaque velut glori-
 abundus, aulas Principum oberras, & de te ipso trium-
 phas! O me infelicem, qui ab hoc JESU Spiritu absurtum
 longissimè? Aliquando te offende, aliquando confunde
 anima mea Christi causâ, & hic occasionem, ac tempus
 designa.

2. **Q**uàm sæpe dolente ac patiente Christo, gaudes
 Herodes? nempe (ait Christus,) mundus gau-
 debit, vos autem amici mei, contristabimini. Sed quid
 est, quòd viso JESU gaudet Herodes? an quia vides
 Patientem? olim audito, quòd esset Christus natus tur-
 batus est Herodes, quidni nunc viso eodem captivo gau-
 deat? Tanta est benignitas tua piissime JESU, ut etiam
 ad impios non venias, quin eis gaudium, aut saltem
 gaudii veri radicem (si tibi obsequi vellent) afferas. Es-
 cur ego de te tam rarò gaudeo, nisi quia te non cognosco,
 tibi non obsequor, tibi non constanter inhxreo, sed fa-
 cilè ad temporanea delabor? Non profunt sua Herodi
 gaudia de Christo, quia importuna Christo; compati sibi
 Christus volebat, non de sui visione frivolum gaudium
 haberi. Sperabat signum à Christo fieri videre, quia
 non videbat ipsum Christum ante se, signum cui contra-
 dicebatur, fieri. Infelix quem illud signum non movebat,
 quod aspiciebat. O quanta, quàm mira signa in Christo,
 ante Herodem, stante! Anima mea, tu illa scrutare, co-
 gnosce, mirare, sequere, ut autem id possis, Christum
 deprecare.

3. **I**nterrogatus multis Christus ab Herode tacet, accu-
 satus ab Iudæis constanter, constantius tacet. Sper-
 nendum se hujus silentii causâ sciebat, nihilominus tacet,
 ad quid hæc taciturnitas Domine JESU? O tempus ta-
 cendi, tempus loquendi! inutilis quæstio, falsa accusa-
 tio, sat bene solvitur, & refutatur silentio. At quam
 rara hæc mihi ignotaque virtus, tacere tunc posse, quan-
 do silentium meum stultitia reputatur? Piissime JESU, si-

luisi

luisi He
 & nun
 beo inie
 te? qui
 nm tibi
 quero a
 saria, ut

1. **S**per
 so
 non pote
 quem an
 cuiusque
 tem abije
 serv erim
 heu indi
 patissim
 vitam ne
 si agnosce

2. **N**
 um Pote
 reverent
 culi illuc
 bulum
 fitum, r
 nes, inq
 quod tu
 mino, &
 estimatio

lucisti Herodi inepta interroganti, responde mihi, semper & nunc utilia ab te poscenti. Responde mihi quanta habeo iniquitates? quid adhuc mihi, deest quam longè sim à te? quid debeam tibi? quo tu dignus es? quid retribuam tibi pro omnibus, quæ retribuisti mihi? Hæc dum quæro abs te mi JESU, responde mihi, & confer necessaria, ut placeam tibi.

Feria 4.

*Spernitur, illuditur, induitur
ab Herode.*

1. SPERNIT Herodes JESUM, ille qui erat gavisus de viso JESU, nempe quod ad pravitatem suam abuti non poterat JESU, quoties & ego sic sperno Christum, quem ante colui, spe terreni & caduci commodi, aliquusque solatioli, quo frustratus, Christum, & pietatem abjicio, & bona opera negligo, & quod non gratis servierim DEO, ostendo. Sprevit Herodes Christum; heu indignitatem, sed quid faciam mihi, cui hoc usurpatissimum inspirationes DEI ad bonam, & ad perfectam vitam negligere; quid est videre JESUM & spernere, nisi agnoscere Dei voluntatem, & non sequi?

2. N^EC sprevisse satis est, etiam illusione opus. O majestas, tibi illuditur? O reverentia cœlestium Potestatum JESU? quem vel ipse Æternus Pater præ reverentia exaudit, atque clarificat, hunc viles hominuli illudunt. Heu me, quam in me faba cuditur! verbulum unum, signum suspiciosum, meo honori oppositum, noto, ferre non possum, iras, minas, detractioes, inquisitiones spero, hoc certè JESUS non fecit, quod tu JESU scilicet fidelis servus facis; conare, Domino, & propone, Christo, has illusiones rependere æstimationibus.

3. **S**ed enim bene est; tandem bona causa triumphat, & innocentiae candor emicat; sanè dum mali iustos irrident, commendant. Noli affligi ò juste, si quid adversi aliquando accidit, si adversarius persequitur sine causa, non est difficile in oculis Dei, tribulationes tuas,vertere in consolationes. Sed, quid mihi, & consolationi, mi JESU, tu pateris, ego solatia somnio. Nolo solatia, tuam potius amplector illusionem, & stultus tecum reputari malo, quam cum mundo sapiens. O JESU hoc dictamen intimè penetrare concede, verè enim hæc meditari, hæc exequi, hæc querere, hæc amare, est sapientia, quæ traditur de occultis, abscondita sapientibus, revelata autem parvulis, manivetis, humilibus.

Feria 5.

16. *Remittitur Christus Pilato,
Pax inter Herodem & Pilatum,
Nil invenit in Christo.*

1. **R**emittit Christum Pilato, aulica nequitia; tanquam nihil cum eo sibi velit esse negotii. Omnis verè dictum: exeat aula, qui vult esse pius. Aularum servi non possunt esse servi cælorum, & cur multi festinant ad odorandum aulicas olas, et am ii, qui scilicet toti mundo dixerunt vale? Remittit Pilato Christum, quisquis bonum, quod ipse agere potest, aut poterat, alteri faciendum relinquit. Iuvandus est peccator: at laborare piget, & pergere? pergat aliquis alius; quid iste facit, nisi Christum Pilato remittit? vocat ad emendationem Deus hodie, ego cras me polliceor facturum, an non Christum Pilato remisit? O Piissime JESU non pigear me tui, non me tua conversationis cedeat, in singulas horas, & momenta tibi inhæream, & nunquam

te à me remittam. Quomodo id cures, & cur negligas? dispice.

2. **I**nter Herodem & Pilatum Pax est, at non inter ipsos & Christum; impii, semper contra Dominum, & contra Christum ejus, concordes; impietas enim non esset, si faveret pietati. Age, amicos tuos dispice, & ea quæ tibi sunt amica; eane quæ inimica Christo? ordini, pietati, disciplinæ, superiori, conscientia? si ita est, Herodem Pilato conciliatum scias. O mi JESU snt mihi omnium inimicitia propter te dulces, amicitia omnium sine te omnes amaræ, qui tuus est, jungatur mihi; qui non est tecum, contra me sit. Nolo amicum non tuum. Vide, an alicubi ob metum humani odii negligas obsequium Deo?

3. **N**ihil invenisti Pilate in JESU? malè quæ sivistis, invenisses, si non malum in eo, sed bonum quæsisisses; ipse enim est plenus gratiâ, & veritate, in eo quæ sunt omnes thesauri sapientiæ, & scientiæ Dei. Quamquam mi JESU non est in te bonum quærendum, sed à te accipiendum; in mari non quæritur aqua, sed hauritur, & in sole lucem nemo scrutatur, sed usurpat. Quocirca verè olim per Prophetam dicebas. Quid invenerunt in me Patres vestri iniquitatis? etenim Pilatus testatur se nihil mali invenisse in te. Hoc si ita est Domine JESU, (verè autem est) cur te tam facilè, tam levi de causa deserimus, quasi aliquid extra te inventuri simus melius te? Anima mea dic Pissimo JESU, ante Pilatum stanti. Mihi autem adherere Tibi Bone JESU, bonum est. Tu gloriatio mea. &c.

Feria 6.

17. Tu es Rex: A te metipso:

Quid fecisti:

1. **Q**uærit ex Christo Pilatus, an sit Rex Iudæorū?

Non usurpabas mi JESU titulum hunc quoniam

imò oblatum fugiebas, sed calumnia hostium affingebat tibi, ut te reum apud Pilatum fecerunt, & odiosum, cruc que dignum. Heu mihi, quàm impatiens sum in aliorum de me oblocutionibus, non effinguntur mihi crucem merentia crimina, non sanguis & vita petitur, non raptor ad tribunalia impiorum, verbum tantum est suspicio sola est, quæ me pœnè ad rabiem torquet. O si tanto Christi exemplo pati discam, & in calumniis gaudere, & objectores earum modestè tolerare.

2. **M**Itis JESUS respondet Pilato: a temetipso habes, quodd me Regem voces, an ab aliis? si à te, quibus argumentis id dicit? si ex aliorum sensu, quomodo id illi probant? Non ex me, sed ex illis, qui me dicunt esse, quare unde probent esse. Sed mi JESU à temetipso hoc dicit, an innocentia tua hoc poscit; pati volebas, sed non debebas; itaq; quæ objecta sunt diluis, non tamen te supplicio eximis. Hæc nempe vera est innocentia, carere culpâ, refellere calumniam, subire pœnam, & exercere patientiam. Talem patientiam dilce anima mea; Hoc est enim ut socium Christi pati; Hoc Passiones Christi exprimere. Talem patientiam JESU da animæ mez.

3. **I**ndignatur Pilatus ad Christi responsum, & amarè exprobrat. Gens tua, & Pontifices tui tradiderunt Te mihi, quid fecisti. O JESU prius mori contingat, quàm sæculares spiritualium subditos prælatorum exemplo, depravatos, dicentes, & exprobrantes: Gens tua, & Pontifices tui, tradiderunt te mihi Christe, hoc est, docuerunt me quomodo deberem peccatis crucifigere te. Sed tu o Pilate quid quæris ex Christo? quid fecisti? quon potius quæris ex illo, quid non fecit? Ipse est per quem omnia facta sunt. Et sine quo factum est nihil: tu autem quæris quid fecit? Hoc quod te video Domine JESU vinctum ante Præsidentem accusatū, pessimè tractatum, captum, venditum, tot hostibus vallatum, quid sibi vult? quid est? quid fecisti? An

hæc est
orum
dalum,
aperio

18

mu

1. O

gno no
gnum
fer Re
de Ch
stodia,
mundu
non co
certè r
proind
Christi

2. A

do cre
mi JE
mine
quid
zstima
ritati
me co
ut de d
die ter

hæc est abyssus charitatis tuæ? an hæc peccatorum meorum malitia? an hæc est gentibus stultitia, Iudæis scandalum, electis verò tuis virtus, & sapientia? O JESU mi aperi oculos meos, ut sciam, quid fecisti?

Sabbato.

18 *Regnum meum non est de hoc mundo. Ad hoc natus sum. Quid est Veritas;*

1. O JESU Regnum tuum non est de hoc mundo, quid ergo nos adhuc in mundo degimus, si de tuo regno non sumus? O utinam adveniat ad nos etiam Regnum tuum! aut tolle nos de mundo, & ad tuum transfer Regnum. Hic te dispice anima, de mundo es, an de Christi Regno? quid in te non mundanum, verba, studia, mores, nonne amas, & amplecteris ea, quæ mundus amat? nonne honor tibi tuæque æstimatio curæ? non contemni, negligique fugis? quod si ita est, tuum certè regnum de hoc mundo est: vel potius tu de mundi: proinde de Christi regno non es. Eheu quid prodest Christi regnum cognoscere, sed non habere.

2. A D hoc natus es, mi JESU, ut testimonium perhibeas veritati tuæ, veritati nostræ. & quando credemus tandem tibi? diffidemus nobis? Perhibe mi JESU testimonium cordi meo de veritate, ut in lumine spiritus tui, cognoscam quid sis tu; quid sim ego? quid debeam tibi, quia pateris tanta pro me? quanti æstimare Passionem tuam debeo? quantum adherere veritati tuæ, desciscere autem à vanitate, & veritate mea me convenit? O si scias & tu homo ad quid natus sis, an ut de die in diem gravius Deum offendas, an ut quotidie tempore tuo Christo vomitum cias, an ut ore & labiis

& veste servus Dei sis tantum, non magis autem ut servias Deo, in spiritu, & veritate, & testimonium perhibeas veritati Christi, coram pusillis, magnisque simul? & quomodo tuo satisfacis officio!

3. **Q**uid est veritas? Grandis quæstio, & quam proponere potuit, audire non potuit, quia non meruit, Pilatus. O infelicem, qui veritatem aspiciens non vidit? sciebat quod per invidiam tradidissent eum, nullam inveniebat in Christo causam, innocentem, justūq; proclamabat, nec tamen veritatem videbat. O infelicem, qui veritatem quæsit non invenit! O Æterna Veritas, quæram te, inveniam te, agnoscam te, diligam te, audiam te, servem te. O si in omnibus meis motionibus quæram quid est veritas? O si in omnibus veritatem intendam? & nunquam diligam vanitatem, neque unquam quæram mendacium. Sed heu! quoties vel ipse me ipsum fallo, quoties vana, adulatoria, ab aliis libenter audio, & vanus vanitatem à vanis aucupor, magnumque aliquid reperisse me puto, si vanitatem assequor.

Dominica 3. Quadragesimæ
19. Quem vultis dimitti. Persuaserunt plebi. Non hunc.

I. **N**on tibi indignitate ipsa indignior videtur ista optio quam anima mea? JESUS Barabbæ proponitur, & quis sit vitæ dignior ambigitur? sicine Domine contemptus es? Sicine te abjicere voluisti! quid misero me fiet, qui contemni, qui abjici nolo? At quid dicam, si ego ipse tales Christi comparationes instituo? Peccandum est, aut JESU Christi gratiâ abstinendum, utriusque occasio est: & ego infelix delibero, quid factio sit opus? quod, quid aliud est, quam quærere ex meis Passionibus & cupiditatibus: Quem vultis vobis dimitti.

dimitti? O stulta cogitatio, nonne ipsum JESU sanctitatis nomen rapit, ad hocque adigit, ut Christum toti mundo praeferas? O infelix, praefer Christum, millies, promptè, omnibus omnino rebus, praesertim in praesentia sanctissimi Sacramenti constitutus.

2. Principes Sacerdotum persuaserunt plebi JESUM perdere, Barabbam liberare. Sic à majoribus orta est iniquitas, & tanta quidem iniquitas: persuaserunt non solum dicto, sed magis exemplo, non solum JESUM Barabbæ postponere, sed ad mortem etiam poscere, & cum tumultu vocumque invalescentia perdere. Vide quantum possit autoritas, & potestas in abusum detorta. Vide ne unquam in Christi perniciem, & contemptum veritas persuasionem tuam, auctoritatem tuam, exemplum tuum.

3. **O** Pater Aeternè, non hunc perde, sed Barabbam; quid enim hic mali fecit? Nam placet tibi ò Pater Aeternè hæc postulatio, quia unque non expedit nobis, ergo vertimus & dicimus: Non hunc dimitte, sed Barabbam; illum inquam Patrem nostrum antiquum, debitorem & fugitivum tuum, captivum draconis, universalem homicidam. Alioqui si fuerit hic dimissus, non poterimus nos salvi fieri, sanguine enim hujus agni lavari nos oportet, si mundi esse debemus. Non hunc ergo Pater Aeternè dimitte, non hunc: quia expedit ut unus homo moriatur pro populo, & non rota gens pereat. Sed tu quoque o homo diligenter nota, quem de duobus dimittas, dimitte nequitiam à te, sed non JESUM; sic apud te liber JESUS, malitia verò vincata & necata, coarctata, & quasi in carcerem missa. Porro, cum audis ò homo posci, ne dimittatur JESUS, sed magis ut crucifigatur postulari à Judæis, adhære constanter Christo tuo, cujus sanguinem & vitam peti, quem ad crucem advertis postulari, & contristare de tam tristi sermone, aut etiam si vis, petita ab JESU licentiâ gaude, quod ista Christi retentione, & captivitate, tua libertas transigatur

figatur; pro qua re Christo gratias age.

Feria 2.

Quid Faciam de JESU? Quid enim mali Fecit? Tolle, Crucifige eum.

L **A**udisne anima quid Pilatus quærat, scilicet equidnam faciat de JESU. O Pilate! o Iudex! quid facies de JESU? si reus? convince, & damna. Si innocens? dimitte, & libera. cur ab accusatore quæris, quid de reo facias? da tu consilium anima mea Pilato, & persuade quid facere debeat de JESU, an forte dubitas te quidquam profecturam consilio tuo? te igitur ipsam, alios que, quos attinet, instrue, quid facias, quid faciant de JESU. Multum feceris, si quidquid illi in te displicet, à te rejeceris, si JESUM ad cor mundum, humilitatum, coarctatum, inflammatum induxeris. Si doloribus Christi participaveris, crucem, & ignominias ejus non erubueris? hoc de JESU facito, contentus erit. O si hæc tibi quotidiana esset quæstio, quid faciam hodie; quid hac horâ, quid hac occasione de JESU? quem enim decet scire, quid facere debeat de JESU, nisi socium JESU?

2. **Q**uid enim mali fecit? obrudit, crucem boantibus Iudæis Pilatus, sed quid quæris ab his Pilate, quid mali fecerit JESUS, qui JESUM non ideo perdi volunt: quia malus est, sed ideo potius: quia bonus est. Malus nunquam bonum odit: quia malus, sed quia bonus est, & quod contrarius operibus ejus. Iraque in Christo Iudæis non est crimen malum esse, sed bonum esse, & quia illi mali, iste bonus, ideo illum crucifigi volunt, tanquam sibi malum, quibus bonum videtur se malos esse, & quia semper malis bonus est malus, utpote contrarius.

At

At tu anic
carum in
tere festi
vi, quia
eum pec
non præ
ut que h
minatur

3.

semel fr
scientia,
posset ab
vidia,
ficationi
cate vic
cifigi,
affectisti
tolle m
ignomin
tate, ac
quibus

2.

L. M.

& somn
ipli cru
uxore,
causis &
care?

Et tu anima quidni quæris à te ipsa peccante, vel in peccatum inclinante, ingratitudeque in JESUM committere festinante; Quid mali mihi fecit IESUS, quia peccavi, quia peccare meditor? Item, quid mali fecit, ut in eum peccem? imò quid boni mihi non præstitit, quid non præmii promissit, si non peccem, & ut non peccem, ut que hoc in gratiam ejus faciam? denique quid non minatur mihi mali, ut non faciam malum?

3. **O** Corda faxea, & Ruporis furorisque plenissima? Heu quorsum non ascendit furor malorum ubi semel frenos excussit; non pudor, non ratio, non conscientia, non auctoritas, non omnis causæ, que prætexi posset absentia, retrahit à nefando odio, ab immani invidia. Vide ò homo quanti sit invigilare semper mortificationi passionum, quantumconque illæ domitæ & peccatæ videantur. Sed, quid audio Bone JESU? te crucifigi, te tolli volunt de medio populi, isti quos tantis affecisti bonis, quos nullis affecisti malis? O mi JESU, tolle me, crucifige me tecum, affige me cruci dolo un, ignominiarumque tuarum, ut gaudeam in omni adversitate, ac potissimum ut ab his contemni libenter seram, quibus à me alioqui bezè sit.

Feria 3.

21 *Nihil tibi & iusto illi, Loto manuum. Sanguis ejus.*

1. **N**ihil tibi & iusto illi. Etiam somniantes liberant JESUM, quantum in ipsis est: at nos, & somniantes, & vigilantes, crucifigi poscimus, imò ipsi crucifigimus. O homo disce ab hac Ethnica Pilati uxore, scire subterfagere occasiones, nec te immiscere causis & peccatis aliorum: quando ergo vides alios peccare? contendere, murmurare, queritari, præsertim in
calceis

aliis, ac majoribus: dic tibi ipsi: Nihil tibi & justo illi.

2. **L**AVAT manus Pilatus, & tamen contra conscientiam JESUM damnat, innocentem se ab justis sanguine vocat: fuisset, nisi voluntati, & importunitati impiorum cessisset. Habuit scientiam, non habuit exequendi constantiam. Et quam multi tales, qui sunt extra compositi, quieti, sedati, honesti, loquentes bona & pia, sed tamen non fugientes peccata, & in occultis committentes multa, quæ famæ aliorum nocent, quæ repugnant votis, quæ externis moribus sermonibusque non concordant? Heu me, nam ego quoque homo sum, blandiri mihi, insultare aliis solitus, lavo me à foris, inquino intus. Mi JESU, lava me totum intus & foris, & quasi nivem dealba.

3. **Q**UÆ hæc rabies impiorum istorum, ut sanguinem Christi sumant non super se tantum, sed etiam super filios suos. Mi JESU à tam resoluta in malum impietate erue me. Sed quam acerbo sensu dolo fit sauciatus est cor tuum piissime JESU, quando tam infernales, & sanguinis tui sitientes voces audisti? Gorrere tu anima, & gratias Christo immensas age, quod sanguis ejus sit super te, quod omnia, quæ habes habereve potes bona, à sanguine Christi habeas, quod majora sint Christi merita, quam tua peccata; hoc te sanguine lotam, & purpuratam memento, et cum in te, aliisque tui similibus honora.

Feria 4.

22. Christi ante flagellationem nudatio.

1. **V**IDE quo adduzeris Christum anima mea peccatis tuis, qui terras graminibus, arbores foliis, cæli stellis vestivit, ipse propter te hodie nudatus est in oculis

oculis mundi, ille, qui est amictus lumine sicut vestimento, qui indutus est fortitudine, qui pulchritudinem, & decorem induit, ille formosus in stola sua, modo nudus est. Considera quoties tu illum nudum constitueris in corde tuo? Quoties te gratiâ ejus exuisti? quoties merita ejus calcâsti, toties illum nudâsti. Ingrata anima, Deus parentes tuos peccatores noluit nudos à se ex paradiso ejicere, tu Christum Dei filium, apud te denudas. Nescis JESUM plus dolere, quando te suis donis per peccatum nudatam videt, quàm quando ipse nudus fuit? O si ornare animam tuam, & aliorum proximorum assuescas. Christus enim ornatur, dum anima ornatur, siquidem ille pro ejus ornamentis nudari voluit.

2. **P**Aupertatem spiritûs, veram illam, & tantopere Christo amatam, totaque vitâ honoratam virtutem, & sponfam concupiscis? Ad hoc exemplar te compone: nudus est IESUS, & nudum se esse, propter te factum toti mundo ostendat: & tibi misero grande ac grave videbitur carere superfluis! O si etiam disceres carere necessariis! quantò paucioribus eges, tantò minùs terrenus es; aliquando te resolve, & nudus esse propter Christum incipe. Non tibi sit pudori vilis vestitus, pauper lectus, modicus cibus, tenuis & misera supellex, nulla tui opinio, æstimatio, cura. Malè vestiri paupertas non potest, quanto nudior, tantò cultior, tantò etiam magis debite, & statui suo convenienter vestita; & revera probatum est, faciliùs nihil omnino haberi, quàm aliquid vel minimum. En Christus à te petit, & exemplo præt, ut omnia propter ipsum re ipsâ, rejicias & ergiverberis?

3. **O**culi si mundi, si sinceri, si sani estis? in nubem solem aspiciate, dum licet: non diu enim licebit quippe mox erubescet sanguine, nunc in candorem illum vos intendite, quem jam jam rubicundum aspicietis. Nunc se amor vobis nudum spectandum exhibet, spectate, mox velatum videbitis vestitumque sanguine

sanguine scilicet suo purpuratum. Desiderabitis illum videre tunc, sed non erit ei aspectus. O mi JESU contemplari te cupio, sed oculis careo, da illos mihi, ut videam, & cognoscam te in plenitudine lucis, in candore nuditatis, ut participem de nuditate tua, & purificer puritate tuâ, sciamque tibi nudare cor meum, ab omnibus, quæ terrena sunt, quæ vana sunt, quæ fervorem meridiei non referunt. O quis det in simplicitate, & sinceritate cordis, te diligere, te potiri, tibi jungi!

Feria 5.

23. Alligatio ad columnam.

I. **Q**ui terras alligavit in nihilo, qui ventos venos maris, nunc eundem ipsum impii ad columnam alligaverunt. Funes peccatorum meorum, quibus ego à tartareo illo carnificè stringebar, circumplexi sunt te mi JESU, & ego tantum abest tam immani commovear ut spectaculo, deque peccatorum meorum vinculis tibi detrahendis cogitem, ut potius vincula vinculis, hoc est, peccata peccatis addam. O me impium! te à carnificibus ad columnam alligari indignor, & nihilominus vincula tibi ex peccatis meis necci; atque augeri patior. Cum tamen si ego non peccassem, sciam te vinctum nunc non futurum fuisse. Si quis ergo doles Christum vinctum esse, tolle peccatum ab anima, & Christum solvisti.

2. **F**unes ceciderunt mihi in præclaris: funes mei hereditas mea, hi ceciderunt mihi in præclaris mi JESU tunc, quando per te præclarissima totius creature gemma mihi est restituta, & reddita. Redditi autem non vulgari quopiam modo, sed verè in præclaris, in doloribus scilicet tuis, in vinculis tuis. O quanti estimandi sunt mihi funes tui, hoc est, dolores tu Domine JESU, quibus mihi hereditas mea cælestis quam

quam ego vivendo luxuriosè, abeundo peregrè decoxerā, restituta est? O quam cautè hæreditas hæc mihi, & curanda, & servanda est, quæ tanti constat quæritori meo, ut pro funibus hæreditatis meæ debuerit ille sustinere fustes Passionis suæ.

3. **A**lligatus est IESUS, & in flagella paratus, tu solutus quasi onager incedis, renuens alligari, refugiens flagellari. Hoc scilicet est dilecto conformari, hoc est in myrrhæ collibus versari, hoc est fasciculos myrrhæ colligatos offerre. Ah mi IESU, quàm multi te contemplamur nudatum, alligatum, flagellis subjectum, quàm pauci tamen propter te, tecumque nudari, alligari, flagellari gaudemus, aut contenti sumus? Da humillime IESU, qui in Passionis tuæ hora, singulis momentis, novo fervore, novos dolores, pro me subibas; ut ego singulis momentis, recenti spiritu, tibi servire, & novis modis me tibi, tuæque columnæ, & Cruci, alligare, tibi que placere, & conformari studeam, ut omnes inventiones meæ, tuæ inserviant dilectioni, imitationi, possessioni,

Feria 6.

24. Flagellatio Christi

I. **C**Rudele spectaculum, & dignum ad quod sol exhorrescat, intremiscatque terra. Certè Angeli pacis amarè flebant, Regem Angelorum flagellari aspicientes. O indignissimam tragœdiam, rerumque catastrophenservi Dominum, subditi Regem, homines Deum, creaturæ Creatorem, impij Innocentem flagellant; injustè, quia sinè ulla causa; indignè, quia tantam personam; ingraterè, quia eum, à quo tanta bona acceperant; crudeliter, quia cum tanta animi rabie, maximoque patientis dolore; ignominiosè, quia publicè; & sordido supplicij genere. O quàm multæ doloris causæ, & circumstantiæ,
 C quibus

quibus tamen ego nihil moveor, ut cessem à peccato; ut exeam de tepore, ut Regi meo in passionibus conformer. Heu! quàm multa flagella peccatoris, si tam multa innocentis? Si hæc in viridi ligno faciunt, in arido quid fiet? si Christi flagellatio à matutinis totâ die, nonne peccatorum erit per totam æternitatem?

2. **O** Quàm durè tractanda est mihi caro mea rebellis, siquidem Christus tam immaniter affligi suam innocentissimam patitur? Et carni quidem Christi nihil opus erat tanta pati, mea caro longè plura meruit sustinere, utpote quæ debuerit in æternis ardoribus ardere. O si pondus sensualitati detrahere, si illam jugiter discretè affligere, si illam prudenter confandere, animæque regimini subicere sciam, & velim? Quis unquam hosti petenti ignem, quo ille combusturus sit domum exhibitoris ipsius, concessit? quid porrò ego facio, quando sensualitati in cibo, potu, somno, jocis, molliæ, indulgeo, quàm flammam hosti meo quâ ille me ipsum exurat, concedo, quàm obsessis hostibus victualia, & voluptuosa etiam (proh dementiam!) suppedico? hoc non est expugnare, sed confirmare hostem. Disce ab JESU tractare carnem, verberare, fame, siti, inediâ, fatione, frigore, neglectu; duritiæ, asperitate, hoc enim est verè carnem odisse secundum mundum, amare secundum Deum.

3. **V**idesne anima mea JESUM, amorem tuum, illum modò candidum, jam jam sanguinis purpurâ rubicundum, totum plagis lividum; vulneribus saucium, sanguine cruentum, dolore exhaustum, ignominia abjectum, totum denique alium? sic alligatum, sic tractatum offer Æterni Patris conspectibus, ut saltem propter tam miserum spectaculum misereatur tuâ, & totius mundi. Offer ipsum JESUM, ipsumet JESU, & per ista ejus vulnera misericordiam posce, dolens, quòd ejus tantis doloribus hastenus gratam te non exhibueris. Offer Spiritui Sancto, & pete, ut te ob hunc talem JESUM

JESUM illuminare, purificare, accendere, confirmare in bono, præservare à malo semper pergat. Immisce te, & suppone plâgis JESU, quæ jam in ipso locum non habent amplius, & eas tu excipere concupisce. Convertere, vel converti appetere, in lacrymas tam copiosas, ut iis balneum abluendo Christo, balsamum illinendis ejus vulneribus suppeditare possis. Roga JESUM ipsum, & amorem ejus, ut velit subtrahere concursum carnificibus istis, ne ipsum flagellare possint.

Sabbato

25. *Purpurea chlamys. Corona spinea.*

1. **N**ihil opus erat, ô milites, hac purpurâ JESUM vestiri, quem iam flagella carnificum vestierant suo sanguine, an quia crudelitatis pudebat, tegenda fuit, an quia quem indueratis vestrâ crudelitate, lubebat etiam vestire ludibriò? an iste est mos peccatorum, ut lancinent Christum sceleribus, interea tamen, vel hypocriticis illudant moribus, vel sacrilegis integunt velaminibus, vel per impudentiam gloriantur, & triumphant de iniquitatibus? O homo videsne qualem vestem Christo circumdederis, quam illa fœda, quam spurca, quam vilis? Hæccine est illa innocens stola primam, quam ipse tibi in Baptismo contulit? ideone contulit, ut eam ita fœdares? O ingratus, redi ad Patrem, supplica cum prodigo, ut tibi proferri jubeat stolam primam, primæ similem, ut te scilicet gratum, sanctum, perfectum in oculis suis faciat.

2. **Q**uid tibi & spinis mi JESU, gratiæ caput tuum, caput gloriæ ipinis horret. Heu spinæ pungentis, & planè ac si in creatoris injuriam essetis contributa, ne affligitis caput Majestatis. At enim non spi-

nae culpandae sunt, sed humanae malitiae. Ego Christi corona sum, sed spinea, pulchro nomine, laudabili professione, Sancto instituto glorior & appellor, sed non vivo, non respondeo, non sum quod dicor. Ager sum sed spineus, & Christo tantum tribulos parturio, scilicet super te mi IESV venit illa Patris nostri maledictio. Maledicta terra in opere tuo, spinas & tribulos germinabit tibi, respice IESV dolores tuos praesentes, & fructus surgentes, nonne spinas omnia? Heu me si etiam in his maledictis terris connumeror?

3. **M**IESV, vita praesens, vita spinea est, ego illam stultus auream puto, plumeam cogito & cupio; quod putem patet, quia amo: quod cupiam, patet, quia in hac vita pati reculo: quam si scineam scirem, pressuras ejus ferrem, & molestam esse non mirarer, imò mirarer non esse. Quis calcavit spinas, & non est fauciatus? quis vixit in hoc mundo, & non est afflictus? Ecce te oportuit pati mi IESV, ego autem eximi volo à puncturis, qui tamen haereo in spinis. Pungant me mi IESV propter te spinas vitae hujus, & non teneant, ut sic cupiam compati nunc tibi, possim autem postea cohabitare tibi. Da ut plus delecter spinis tuis, quam mundi rosis, sit mihi omnis consolatio mundi spinea, sit mihi omnis afflictio propter te rosea. O utinam hoc sentiam in me, quod video in te.

Dominica 4.

26. Arundo, Genusflexio, Conspuatio.

I. **A**Rundo in manu Christi, quid est, nisi omnia esse arundinea, & nullius frugis in conspectu Dei? quid est, nisi omnia tam facile à Deo annihilari & immutari posse, quam facile arundo moveri, frangitur potest.

potest. Arundo ista, contumelia Christi est. O si sciret
 cujus in probrum cooperetur, quantum sibi merueret? in
 cujus manu est, ei probrum facit; quid audacius, & indi-
 gnus, si sensus & ratio subesset? sed ò peccator, de te
 fabula narratur, qui licet arundo sis, licet in manu Chri-
 sti sis, tamen non vereris esse Christo Redemptori tuo
 contumeliosus & probrosus. Quàm facile frangitur arun-
 do, tam facile perditur peccator à Deo: & nihilominus
 inflaberis tu arundo vento agitata? ò palea à tritico se-
 gregata. Sceptri te putas esse vice, cum arundo sis, &
 quidem arundo in manu Christi, facilis contractu, igni
 nata, pondere & valore cassa, nullatenus solida, Spiri-
 tui Sancto te exhibens minimè tractabilem, sed refractori-
 am, rebellem, immotam ut saxum.

2. **Q**uæ ista tam subita mutatio? qui modo spinis co-
 ronabatur, jam coram illo genu flectitur? an ta-
 lis hæc est flexio, qualis coronatio? nescit proficere ni-
 si in pejus malitia, & qualem fecit Regem coronando,
 talem adorat & salutat genuflectendo. Nempe Regem
 dolorum te fecerunt mi IESU, ideo, dolore plenas affe-
 runt salutationes. Quid hinc mihi documenti Bone IE-
 SU? primum quidem honores, quos ego tibi exhibeo,
 sæpe tibi dolori & illusioni esse, ob suas imperfectiones,
 defectus, inconstantias. Dein, doces me quid prætare
 debeam tibi pro Passionibus tuis; scilicet honorem, sub-
 jectionem, reverentiam, ut sic veros tuos honores, &
 ignominiosos dolores, meis qualibusqualibus in gloriam
 tuam obsequiis rependere coner. O Anima mea disce, &
 assuesce Christo hæc exhibere quàm creberrimè, quàm ac-
 curatissimè; potissimum verò in Sanctissimo Sacramento,
 quàm frequentissimè, humillimè, ferventissimè, saluta-
 tiones, visitationes, genuflexiones, prostrationes exhibe.

3. **O** Rex probrorum: vultusne tuus sordium, & spu-
 torum receptaculum est? O stupor super stupores I
 IESUS sic sese abjicere potuit, ut in suum vultum illum
 Th eandricum, quem Dei Persona faciebat, & suâ Digni-

tate Divinā per unionem Hypostaticam ornabat exspu-
permittat? Proh superbia! quousque locum habes in
mundo? cur tanto pudefacta spectaculo ad inferna præ-
ceps non ruisti? humiliavi me aliquando; nunquam tamē
ut Christus. Esto faciam ego me infernalium etiam sor-
dium fœciumque sentinam, nunquid Christi humilitatem
æquabo? Et tamen: ah quā rarò, repugnanterque hu-
milior? quā refugio, & non fero contumelias ac con-
fusions, quā facilè mihi complaceo, quā libenter
laudes meas appeto?

Feria 2.

27. Ecce Homo.

I. **A**spice Anima mea opus manuum tuarum, tibi per
istud [Ecce] propositum. Si nescis quid fecisti?
Ecce Homo, ecce opus tuum, ecce IESUS fœdus est,
& fœdatus, & saucius, & vulneratus, non est illi species,
neque decor, non est illi aspectus, vermis est, & non ho-
mo tu fecisti talem, quia peccasti. O infelix non te com-
movet spectaculum hoc? non exhorrescis enormitatem
malitiæ tuæ? non duceriis pœnitudine super tanta nequi-
tia tua in Unigeniti Dei Filii IESU Christi contritione?
Si quis Patrem tuum sic tractasset, non indignareris illi?
si tu amicum tuum, vel Patrem tuum sic tractasses, non te
malitiæ tuæ puderet? non omni ratione conareris tam im-
pium facinus dignâ pœnitudine delere? Nunc ergo aspice
frequenter hominem hunc anima mea, & execrare opus tu-
um, detestare peccata tua, deprecare IESUM sic abs te
tractatum.

2. **V**idisti Anima mea quid feceris in homine isto, vi-
de etiam quid ipse fecerit in seipso? Fuit Deus,
ecce jam Homo; fuit dives, ecce jam pauper; fuit inno-
gens, ecce accusatus, & punitus; fuit Rex, ecce ludibri-
um;

um; fuit
colorum
ponitur?
entiam?
vis obedi
ecce homo
et heu n
nunquid
ce homo
mo non

3. **E**C
eg
pter illu
pter tale
solutione
fatigatio
tionem.
aliud, n
minem,
do indu
Deum cr
lestis? N
lis homo
lis sum
possibili

28.

I. **M**
humilit
quod a

um; fuit homo, ecce vermis. O quàm copiosum spectaculorum theatrum, tibi modò in isto uno homine, proponitur? vis humilitatem? ecce homo humilis. vis patientiam? ecce homo patiens, & patientiæ portentum, vis obedientiam? ecce homo obediens: quidquid vis, ecce homo omnium tibi exemplar, Magister, Speculum, et heu nunquid tu talis homo es? nunquid esse debes? nunquid conaris? vis scire qualis homo esse debeas? Ecce homo. Vis scire qualis futurus eras homo, si hic homo non fuisset propter te talis factus homo? Ecce homo.

3. **E**CCE Homo. Ah quid qualisue factus propter me? Ego autem quid tandem feci hæcenus, ac facio propter illum? & quid me facere, fecisseque jam decuit propter talem Deum Hominem? O quando me resolvam resolutione serâ, ut tandem serviam Christo usque ad defatigationem, ad passionem, ad abjectionem, annihilationem. O quando nihil in me viveret, erit, eminebit aliud, nisi Hic Homo? Heu quousque istum terrenum hominem, non hominem, sed jumentum portabo? quando induam illum cœlestem hominem, qui secundum Deum creatus est, non de terra terrenus, sed de cœlo cœlestis? Mi IESU, qui factus es propter me homo, & talis homo; da, mihi ut aliquando desinam esse talis, qualis sum homo: incipiam autem tibi esse per omnia mihi possibilem simili homo.

Feria 3.

28. *Vnde es tu? Non haberes potestatem. Majus peccatum habet.*

I. **M**irabilis hæc interrogatio, unde es tu? eamque & tu ad IESUM usurpa, ex eoque reverenter, & humiliter quære. Mi IESU unde es tu? scio quòd sis à Deo, quòd à Deo processisti, & v nisti, scio quòd sis homo

conceptus de Spiritu Sancto, natus de Virgine, sed hoc non quero abs te mi IESU, illud quero unde es tu? tu sic faucius, sic illusus, sic abjectus, sic sanguinolentus? Unde es tu in tantis injuriis tam mitis, in tantis doloribus, tam patiens, in tanta desolatione, tam constans? Nec mirare quod ego quæram hoc, etenim quærunt illi, qui in te semper desiderant prospicere Angeli scilicet, & dicunt. Quis est iste qui ascendit de Edom & de Bosra, tinctus sanguine. &c. An à peccatis meis, & iniquitatibus meis talis factus es? An ira plagatus es in domo eorum, qui diligebant te? an bonitas naturæ tuæ, fecit te in tantis malis tam bonum? tam mansuetum, tam mitem? Unde es tu anima mea, tu peccatrix olim, modò mundior; tu olim vaga, modò firmior: tu prona quondam in malum, modò constantior, nec sic averfa à bono? Nonne id habes à IESU Christi sanguine? & quid retriebuis?

2. **I**ndignationem Pilato movit silentium Christi, jactabat potestatem vitæ & necis, sed Christus animosè ferociam retundit, & ait; non haberes potestatem adversum me ullam, nisi tibi datum esset desuper. Hoc est humiliari scire sub potenti manu Dei, hoc est ipsas etiam injurias acceptare, non tanquam à malefactore, non tanquam ab injurioso, sed tanquam à manu Dei venientes. Nec est ulla efficacior fructuosè sustinendi injurias ratio? quàm cogitare, sibi què persuadere, quod Deus potestatem fecerit injurianti, injuriâ faciendi. Quis vero audebit, nolle id sustinere, quod intelligit Deum, ut sibi accidat, vel permittere, vel etiam præcipere? Dominus Deus hoc mihi sub titulo injuriæ humanæ misit, ego mancipium Dei mei illud non acceptabo?

3. **V**erè majus peccatum est, Christi ablutum esse, tam sapè, tam copioso sanguine, nec tamen dignè Christo, Christi què sanguine vivere? majus enim peccatum est in magna gratia minus bonum esse, quàm in parva gratia valde malum esse. Sicut enim ubi abun-

davit

davit del
delictum
missus
re? utiq
tes istæ,
poeniten
Deo usq
descenda
usque ac
sanctus
rorem, t

29.

vest

I. F

gloria

ergo on

Rex ve

O ira

ô cupid

inhibes

non fro

eur te

dici; si

& aliq

sub tal

2.

esse, &

davit delictum, abundat gratia; ita ubi gratia abundavit, delictum saepe abundat. Unde etiam in die iudicii remissius erit terræ Sodomorum, quam domui Iudæ; quare? utique quia si in Tyro & Sydone factæ fuissent virtutes istæ, quæ factæ fuerant in Iudæa, in cinere & cilicio poenitentiam egissent. Nunc ergo tu Capharnaum, quæ à Deo usque ad cælum exaltaris, vide, ne usque in internâ descendas, & tu qui posuisti os tuum in cœlo, vide, ne usque ad inferos superbia tua detrahatur. Et quis tam sanctus erit, cui vel ipsa sanctitatis, & iustitiæ gratia terrorem, timoremque hunc non incutiet?

Feria 4.

29. *Ecce Rex vester. Regem vestrum crucifigam. Non habemus Regem.*

1. **H**ecine Rex tuus o anima mea? an te pudet exprobrationem hanc Pilati audire? an potius gloriæ tibi ducis talem te Regem habere? si ita est, dic ergo omnibus tuis sensibus, affectibus, motibus: Ecce Rex vester, huic vos conformate, huic vos submitte. O ira, ecce Rex tuus mansuetissimus, cur te non regis? o cupiditas, ecce Rex tuus moderatissimus, cur te non inhibes? o lingua, ecce Rex tuus tacitissimus, cur te non frœnas? o caro, ecce Rex tuus mortificatissimus, cur te non affligis? si ille Rex vester, utique vos subditi; si ille talis Rex, cur vos non tales subditi? vide, & aliquando intellige anima mea, qualem te deceat esse sub tali Rege.

2. **R**egem vestrum crucifigam? an hoc absurdum esse, & Regem Regum, tum dices, Regem meum, Regem

Regem Regum crucifigam! sed quin tu magis absurdum reputas homo, Regem tuum JESUM, in tuo corde crucifigere? Non solis peccatis gravibus crucifigitur Christus, sed etiam quibusvis imperfectionibus, deliberatis peccatis, immortificationibus, scandalis, verbositatibus, repiditate, inconstantia, neglectu proficiendi, neglectu aliorum salutem, Christi; gloriam promovendi. Horum si quando se dat occasio, tu vide quid agas? potius dicas, itane verò mi JESU, ego te Regem meum crucifigam, in Cruce pendere sinam? &c.

3. **N**on habemus Regem. Quæ ista libertas & emancipatio? an iusto non est lex posita: facit enim ea quæ legis sunt naturaliter, & non ideo quia præcepta lege, sed quia honesta per se, quia placita Deo? Æ beata anima, quæ ita comparata est, ut sine Rege regatur, sine regula vivat ad regulam, quam intra servitii divini limites, non timor, non præmium, sed charitas, sed gratia, sed natura, sed sancta, roborataque consuetudo detineat, talis anima dicere potest: Non habeo Regem, nisi amorem; quocumque feror, amore feror. Amor meus, pondus meum; etsi Deus meus non præcepisset, etsi non promississet præmia, non comminatus esses pœnas, non conferres beneficia, ego servire tibi vellem, voluisssem, & volo. JESU; tuus amor, tibi complacendi desiderium, sic Rex meus, Cæsar meus, pondus meum.

Feria 5.

30. *Major tumultus. Si hunc dimittis. Barabba dimissio.*

I. **Q**uanto magis Pilatus laborat pro JESU, tanto amplius torunt & tumultuantur Iudæi contra JESUM. Quis est iste tumultus, dum JESUS est liberandus? An non est ista interior pugna, quam sentit homo

homo
a vincu
enda' el
nenda,
prò qu
Constit
ex alter
confusio
& præf
præfere

2. S

is admo
Pilatus
non co
cum ve
Iudæi
quæ
O respe
omni r
funest
non re
nimos
tur ma
tis, ut
omittra
improb
favori
certe e
sunt in

3.

& servi
Barabb
dimissi
ai? q

homo, dum à consuetudine prava consurgere, & quasi a vinculis & morte JESUM eripere contendit? abjicienda est occasio peccati, resistendum cupiditati, sustinenda, vel condonanda injuria, subeunda confusio: prò quanti tumultus in corde! vis illos sedare? sic age. Constitue una ex parte JESUM, huic Regem dolorem, ex altera parte illam occasionem, illam injuriam, illam confusionem, & cogita quam partem deceat te eligere & præferre, IESUMne, an aliam? & nonne JESUM præferes?

2. **S**I hunc dimittis, non es amicus Cæsaris. Ultima hæc est machina Pilato expugnando à Iudeis admota, & quidem (proh fortunam!) feliciter. Ille Pilatus, quem tumultus, quem Principum autoritas, non commoverant ad damnationem Christi, hunc unicum verbum pervertit. Et quod istud verbum, nisi illud nefandum, & pudendum; Quid dicat? Illud inquam hominibus placendi, ac satisfaciendi desiderium. O respectus humani, qui soli, & semper, JESUM, etsi omni ratione repugnante, nihilominus infandissimis, & funestissimis, addicitis suppliciis. O cæcæ visiones, ô non respicientes respectus, quanta est vestra vulgò in animos hominum potestas! propter vos nihil non agitur mali; propter vos nihil non agitur boni: vos facitis, ut mala negligentur, sed male; vos facitis, ut bona omittantur, non bene. Et quæ potest esse magis mala improbitas, quam unico hominum aspectui, gratiæ, favori, judicio, Deum postponere universum? Hæc certè est injuria super omnes injurias, quæ Deo posunt irrogari.

3. **S**Ic expugnatus Pilatus statim dimittit Barabbam. Impossibile scilicet est hominibus satisfacere, & servire Christo, necesse est omnino, aut Christum, aut Barabbam solvi. O mi JESU, quoties ego Barabbam dimisi liberum, te verò morti addixi, & ad Crucem dixi? quanquam & tu mi IESU, hoc ipsum in tua Passione

one egisti propter me, me enim ire iussisti liberum, te autem morti crucis obtulisti vinctum, extraxisti me de luto facis, & ipse in limo profundi hazisti. Comedi ego uvam acerbam, tui autem dentes stupuerunt; pacis meae disciplina cecidit super te: & quid ego retribuam tibi, nisi hostiam laudis, gratiarum actionis, amoris, & etiam vicissitudinis; ut scilicet si quando, aut offendendus tu, aut Barabbas propriae meae voluntatis mortificandus: hunc potius malim affigi, & me pro te contemni, quam te à me offendi, ut sicut tu pro salute mea prostituisti omnia tua, ita & ego pro gloria tua exponam famam, exponam vires, exponam commoditates, exponam vitam, sanguinem, omnia. &c.

Feria 6.

31. *Damnatur JESVS ad Crucem.*

1. **D**Amnatur JESUS. Quid mihi fiet? si justus non salvatur, impius & peccator ubi parebunt? Audite impii, qui Dei iudicium ita contemnitis, ac si illud futurum non crederetis; potuit innocentia damnari apud iniquos; nequitia apud iustum Iudicem Deum non damnabitur? Invenit Pilatus quomodo damnaret JESUM, non inveniet Deus, quod damnet in peccatore? Et non times Deum o homo: tot tantorumque scelerum conscius? Damnari non vis à Deo? damna te ipsum coram Deo.

2. **D**Amnatur JESUS. O damnationis rei, caput erigite; damnatur enim salus & vita, ad vitam vestram & salutem instaurandam. Damnatur innocentia, respiret noxius; in salutem enim ejus est ista damnatio. JESUS non solum accusatur, non solum vituperatur,

superatur, non solum examinatur, non solum iudicatur, sed etiam damnatur: tu te extra censuram, extra reprehensionem, extra inquisitionem, extra admonitionem, extra iudicium, extra damnationem esse vis? Non est potestremus iste humilitatis gradus, imò tantò altior, quantò rarior; videas in multis, multos alios humilitatis gradus, hunc non item, nisi in valde perfectis, & ad IESU Christi mores benè conformatis.

3. **D**Amnatur IESUS, tu absolvi desideras? si in eodè iudicio ab eodem Iudice, IESUS damnatur, solveris autem tu? quis te IESU discipulum, & non potius Barabbæ sodalè vocet? An non si Patrè familias Beelzebub vocaverunt, tantò magis domesticos ejus? quomodo ergo tu placere potes mundo, ut non displiceas Christo? Certissimum signum est, te Christo dissimilem esse, si te mundus suâ sententiâ absolvit. Tunc verò Christo similis es, quando te mundus, eodem quo Christum loco reponit, quo autem loco Christum mundus ponit, loco damnationis, odii, persecutionis, Crucis, purgamenti, stultitiæ, scandali, peripsæmatis; es tu hoc eodem apud mundum loco? spera te prope ad Christum accessisse; proinde plus ama mundi odia, quam studia; Etenim si placueris mundo, omnino necesse erit, te displicere Christo.

Sabbato.

32. *Traditur voluntati Iudeorum.
Exutus Chlamyde, Suâ Veste induitur.*

1. **D**Amnatus IESUS traditur voluntati Iudeorum, manibus autem carnificum. Hic cogita anima mea IESUM, in manibus ac potestate tua esse, ut eum vel crucifigas, vel a crucis morte liberés. Ecquid potius agas

non te ad pedes IESU abicies? & per omnia jura & sacra testaberis, te ejus sanguinem amare, dolere ejus dolore, & in crucifixionem ejus nullo modo consentire? Nolo, nolo, protestor mi IESU, nolo mortem tuam.

2. **P**ostquam IESUS damnationis nuntium audisset, sine dubio immensas Patri Aeterno egit gratias, quod se adduxisset in horam hanc damnationis, quã posset in honorem eius, in salutem vero hominum mortem Crucis appetere, obtulitque illi suam illam damnationem, ad tollendam Adæ, posteritatisque ejus condemnationem, non solumque non inculcavit injustitiam sententiæ, sed inusitatã quadam cordis hilaritate, amorisque fervore, illam auscultavit, & ad Crucis trophæum festinavit, longe alacrius, quàm solent ii, quibus aut regni fasces, aut triumphales pompæ decretae sunt, jucundo quodam animo memoriam futuræ illius diei recolere solent, & expectare. Vide jam quas tu gratias Deo in contemptibus agas? quomodo te divinis obsequiis, honoribusque offeras? quomodo aspera, aut etiam iniqua aliorum de te judicia auscultes? quomodo formides timore præscitæ confusionis?

3. **D**ucendus ad mortem IESUS, ut cognosceretur ab omnibus, chlamyde exiit, suã vestem induit. Quis nostrum est (qui scilicet imitationem Christi iactamus) qui subiturus aliquid in conspectu hominum omnis generis, præsertim sibi notorum, non dico infame, crudeleque, sed vel aliquantum indecens, ac vile, subiturus aliquid confusionis, deperditurus de opinione doctrinæ, ingenij, virtutis, generis, industriæ, non cupiat nõ agnosci? En IESUS alienas vestes ponit, suas sumit, agnosci in sua vilitate, & ignominia vult, & ob omnium ora, oculosque, inter latrones ad Crucis patibulum pergit. O IESU, quando tandem hoc germano Spiritu tuo implebor? quando ita crucis, & confusionis tuæ, fame, & siti cruciabor, ut eam non solum non fugiam, sed etiam quæram, & per omnes circumstantias ultro mihi augeam, & aggravam?

aggravem
hanc ar
hodie, le
subeunda

De

33.

I. C

Tibi hoc
& impos
meo. C
batur Ch
me, ipsi
adducis
fame,
Crucem
svecillim
rogo, in
illo ipso,
mentum
sim, &
a.

opus no
prin cip
ligu m
cem ba
mundi
tus. I
& victi
quendi

aggravem? IESU per viscera tua peto, da mihi famem hanc ardentem, alliduam, efficacem: volo statim, volo hodie, semper, in omnem Crucis ferendæ, & ignominie subeundæ augendæque occasionem imminere.

Dominica 5. seu Passionis.

33. *CruX Christo imposta & bajulata.*

I. **O** Quàm non æquè donatur, tu Piissime JESU, & ego vilissimus homuncio, partibus? Tibi hodie CruX mea: mihi caro tua: ego paravi tibi, & imposui Crucem, tu parasti mensam in conspectu meo. O Amor JESU quid non excogitas? mihi debebatur CruX, tu autem amor dedisti illam Christo pro me, ipsum autem Christum in Sanctissimo Sacramento adducis mihi. Mi JESU, quo te sensu, quo gustu, quâ fame, recipiam? nolo aliam præter illam, quâ tu Crucem oblatam tibi suscepisti, & amplexus es. Mansuetissime JESU, per illud cor tuum suavissimum te rogo, instilla mihi affectum illum tuum Crucis tuæ, ut illò ipso, sæper erga te, erga Sanctissimi tui Corporis Sacramentum, nec non erga Crucem tuam ferri velim, & possim, & gaudeam.

2. **C**Rux Christo imposta, est onus peccatorum nostrorum in agno peccata mundi tollente, est opus nostre redemptionis, est præceptum Patris, est principatus ejus super humerum ejus, est contemptibile lignum, quo in diluvio salvamur; JESUS autem Crucem bajulans quid est, nisi spectaculum Patris, victima mundi, botrus torcular suum portans, seu illi impositus. Imperator armatus, scutum hominum, ara simul & victima: vexillifer, & antesignanus, omnes ad se sequendum provocans; Christianorum Stemma, sigillum, prototypa

prototypon, Adam sub ligno vetito non carpens, sed solvens fructum ejus. Ex his omnibus carpe tu fructum imitationis, gratiarum actionis, admirationis, compassionis, gaudii. Non tam probrosum est Christo Crucem suam ferre, quam peccatis Christianorum offendi; ob Crucem sibi impostam non est iratus; ob peccata, quantis nos malis non affecit, & pergit afficere Ecclesiam quotidie? quomodo vel ipsum sui Sanctissimi Corporis Sacramentum ab Hereticorum, Turcarumque pedibus calcari sinit? scilicet intolerabilior illi Crux peccatorum est, quam quævis alia; quoniam ne illam ferret, istam pertulit, & perfert.

3. **B** Ajulat Crucem JESUS, jam fractus, & destitutus viribus, præ fame, siti, vigilia, vexatione, flagellis, verbere, doloribus, contumeliis, itinibus, hostium odio, statione tam longâ, similior mortuo quam vivo; & nihilominus quasi integer esset viribus, Crucem suam tulit, & funesto illi oneri, humeros miserabiles supponit. Ubi meæ deliciae & delicatissimi labores? vix tantillo fatigor labore; jam mei rationem haberi, jam meliori compensari tractatione, jam majori existimatione rependi cupio; quietos annos velut emeritus exigo, immunitates ab ordinariis postulo. Hoc scilicet est Crucem suam etiam si fortè fatigatus sis, exemplo JESU ad extremam adducti subire? imò hoc est eam vix acceptam projicere, & pondus ejus fastidire. O JESU damihi heroicum tuum fervorem, ardentissimamque sitim, avidissimam famem tuam, in appetendis, subeundisque doloribus, & contemptibus propter te, quæ nonquam langueat, nunquam expleatur, nunquam dicat, sufficit; sed potius affer, affer, amplius Domine, amplius

Feria 2.

34. *Mulieres sequentes. Lamentantes consolantur.*

I. **C**onsidera, quomodo totâ fremente contra Christū Judæorum, gentiliūque turbâ, eumque ad mortem deducente, repertæ nihilominus sint aliquot animæ, quæ illum sic tractatum flerent, & lamentarentur; & quidem famiæ erant, naturâ timidæ, fragiles, contemptibiles; sic scilicet infirma & stulta, & contemptibilia mundi elegit Deus ad suam sapientiam, & relictis potentibus, magnatibus, sapientibus, superbis, donat infirmis, & abjectis sentire posse mysteriorum suorum sensus, eorumque dulcedine pasci. Quis discipulorum ausus est tantum, quod audent hæ modicæ famiæ hoc tempore? nempe Deus sigillatim fingit corda hominum, & ex quibus vult instrumentum sibi format aptum suis operibus, quod gnarum suæ ineptiæ, bona Deo, mala sibi tribuere sciat. Hinc videas rudes vulgò homines, plus suavitatis in orando experiri, quàm doctos; imperitos facilius, & felicius magna etiam exequi, quàm peritos & versatos; scilicet Deus magis præstò est iis, qui se ejus auxiliò magis egere sentiunt. Itaque & tu si vis promptum auxiliū Dei experiri, nihil te esse, posseque practicè agnosce, quanto melius id in te de te seferis, râtò celerius, ac robustius, iuvaberis.

2. **L**achrymis compassionem super Christum ostendunt, hæ miserabiles Sanctæ matronæ, & quidem illæ in IESU nihil forte aliud, præter purum hominem calamitosum, nuper in aliquos suorum beneficium, nunc verò indignissime habitum, & turpissimæ morti destinatum agnoscebant. Quid jam me hoc, quod verè est, de Christo credentem, facere addecet, cum illum tam indignè tra-

Statum video? & quidem cum me in causa esse agnosco? pro pudor, & duritia cordium! quam sæpe vincimur à mulierculis, & rudibus, & sæcularibus, & occupatis hoc mundo? nos scilicet viri spirituales, sapientes, Deo devoti? quot ego totâ vitâ meâ, imò hoc anno, in Christi gratiam, in laudem Dei lacrymas fudi? & quid dicam, quot adii pericula, labores pertuli, onera sustinui?

3. **O** Nunquam frustra in Christi compassionem profusæ lacrymæ! plorant mulieres, vertitur IESUS, & sui oblitus, alienum sletum solatur. O quàm promptus est ad beneficia repetenda JESUS; quàm tardus idem, ad vindicandas injurias; tot accepit in Passione sua injurias, netninem tamen ultus est: unicum accepit compassionis affectum, mox rependit. O miram IESU suavitatem! ô raram gratitudinis virtutem in nobis, & præsertim erga Deum! utinam illam discam ab IESU!

Feria 3.

35. *Beate steriles. Montes cadite. si in Viridi.*

I. **B**eatæ steriles animæ, quæ peccatis suis Christo mortis causam non præbuerunt, vel leviorẽ præbuerunt; quisquis est, magnus est; ego autem talis non sum, qui super multitudinem arenæ maris peccavi. Utinam sterilior essem, aut planè sterilis ad peccandum, ut beatus hodie abs te IESU essem? & quando tandem pigebit me, offendere te? quando tandem renuntiabo perfecte omni non solum malitiæ, sed etiam vanitati, tepiditati, imperfectiõni? Beata illa sterilitas, quæ frenans concupiscentiam, domans irascibilitatem, emendans malitias, supplens ignorantiam, fetum peccatorum extingvit, & concepta suggestionum pravaru semina elidit,

dit. Iſtam ſterilitatem animæ meæ quando tribues mi
IESU! o quare non modo, quare non hæc horâ finis tur-
pitudini meæ?

2. **M**ontes cadite ſuper nos. quorſum iſte imber mi
IESU? formidanda hæc pluvia eſt. Sed tamen
juſtitia tua Deus, ſicut montes Dei; & quis ſuſtinebit eâ,
quando congregabis gentes, & diſceptabis eum eis? Du-
plices montes habet Deus, alii ſunt ſvavitatis, alii ſeve-
ritatis. Primi ſunt, mons miſericordiæ, mons Gratix,
mons exſpectationis ad pœnitentiam, mons Beneficentiæ,
mons admonitionis, inspirationis, vocationis, mons
Paternæ correptionis, mons promiſſionum æternarum:
Beati verò montes, & optandi, qui utinam cadant ſuper
nos, & obruant nos, abſorbeantque ad ſalutem. Secun-
di montes ſunt. Mons juſtitix, mons vindictæ, mons
reprobationis, mons tribulationum, & pœnarum, mons
iræ & furoris, mons exprobrationis, mons damnationis
æternæ, & ardorem ſempiternorum. O montes graves,
& intolerabiles, quorum memoriam recoleas Iob, ne
ipſius quidem memoriæ eorum pondus ferre valuit. Illos
priores montes, qui nunc negligunt, qui dejiciunt, qui
diſſipant, complanant, quando in mortis, & Iudicii die,
poſteriores montes imminere ſibi, & impendere videbunt,
tunc primùm clamabunt: O montes pietatis, montes ſan-
cti, montes benigni, cadite ſuper nos; at ſerò. Nunc,
nunc hos montes excepiam, ut illos non timeam Domine
IESU.

3. **V**erè virens lignum Chriſtus, qui de florente Vir-
ga, Virgine ſancta excrevit: nunquam virore ca-
ruit, nunquam illum deperdidit, nunquam imminuit, ſed
potius ſicut lignum plantatum ſecus decuſus aquarum, ne
folium quidem dimiſit, fructum vitæ ſemper in tempore
ſuo dedit. Virens lignum Chriſtus, ſolus inter omnia li-
gna ſylvarum & ariditatem, & ſterilitatem non admittens,
unde etiam nec ſecurim nec ignem metuens. Unde autem
in viridi iſto ligno tanta faciunt! an hoc eſt ſeveritatis

De

exemplum

exemplum Divinæ, quod ipsa proponit, ideo, ut sapiente flagellato, & innocente punito, pestilens sapiat, & peccator poenitentiam agat: quoniam si naturalibus ramis non est parsum, quomodo parceretur adoptivis? Si ego adhuc in virente ætate tam sum tepidus, & delicatus religiosus, quid fiet in ætate fractiore? Si tot preventus, & vallatus gratiis, tamen cado, quantum caderem, si illis carerem.

Feria 4.

36. *JESUS sub Cruce deficit.
Simon portare cogitur.*

I. **JESUS** sub Cruce deficit. Docet crucem patientiæ, abjectionis, mortificationis, laboris, pro Christo & animarum salute, ad defectionem usque esse portandam: cadere & mori sub Cruce Christianum, Religiosum, JESU socium decet, abjicere illam non licet. **JESUS** sub Cruce deficit, tu non deficies adhuc sub peccato, & à peccato? non deficies à libera, & soluta, & tepida vita? **IESUS** sub tua Cruce deficit, ne tu sub ejus unquam deficias jugo. Infirmetas enim ejus tua est confirmatio; ne accusa gravitatem & onera Christianæ vitæ, Religiosæ vitæ, spiritualis vitæ, nondum te illa ad defectionem pressit, sicut tua vita mala Christum pressit, nondum vitam Christi & Crucem, ad defectionem virium portasti; & esto portaveris: portavit & **IESUS** propter te, prior te; non dignus est, ut posterior tu portes pro illo? **IESUS** fert Crucem usque ad defectionem, non te pudet mollitiei tuæ? digitus dolet, caput afflictum est, debilitas invasit, jam eximi à communibus officiis, & pro te suppleri poscis. Robusti Spiritus non est hæc natura; opprimi potest, quiescere non potest. **JESUS** sub Cruce deficit, & miraris mi **JESU**,

nos

nos illan
Gigante
enim tu
tur. J
cumbit,
rorem,
tem, hor
quos ali
suas vire
fisset.

2. **I**
hactenus
Cruce
post se fe
ferendæ
bus Cru
ea se exc
An tanta
persentie
stari? An
aliis esse
bus in v
villa, se

3. **S**
cur non
quærend
neus est
non inni
vitæ pro
quatur,
dice scia
Cruce C
git tibi
gat mun

nos illam horrere, nos sub illa cadere infirmos, quæ te Gigantem oppressit? auge gratiam, da patientiam; ideo enim tu gravitatem Crucis pertulisti, ut nobis alleviaretur. JESUS sub Cruce deficit, ejusque ponderi succumbit, sed succumbendo Crucis pondus ademit, horrorem, & ignominiam detraxit; levitatem verò, sanctitatem, honorem indidit. Hinc tanti ad illam concursus, quos alioqui JESUS non futuros videbat, nisi ipse illi suas vires ademisset, cœlestes verò proprietates impres-

2. **D**Um JESUS sub Cruce deficit, Simon de villa veniens eam subit, mirum est cur JESUS, qui hæctenus nullius pœnæ socium habere voluit, ad solius Crucis societatem admittit, & ut Crucem Simon pro se, & post se ferret permittit? An tanta est Crucis gravitas, ut ei ferendæ JESUS ipse par non fuerit? an potius tanta omnibus Crucem ferendi incumbit necessitas, ut nullus ab ea se excusare possit, sed velit nolit eam ferre debeat? An tanta est etiam ejus suavitas, ut eam JESUS abundè persentians, in alios etiam effundi voluerit, & ab aliis gustari? An ostendere voluit Crucis fructum non sibi, sed aliis esse applicandum; applicandum autem non manentibus in villa, seu mundum amantibus, sed exeuntibus de villa, scilicet mundum contemnentibus.

3. **S**imoni Cyreneo de villa, Crux imponitur, post JESUM portanda, cur non alicui magnatum? cur non alicui sapientum? alicui discipulorum? Simon quærendus erat? quia solus Simon Crucis ferendæ idoneus est: quem scilicet, non pudeat subjici alteri, qui non innitatur prudentiæ suæ, qui non solum spiritualis vitæ professione gloriatur, qui non ideo Christum sequatur, ut ditior, sed ut melior fiat; uno verbo, qui obediæ sciat Deo, & omnibus propter Deum: ille dignus est Cruce Christi. O Simon, quàm invidenda fors contingit tibi, vel coacto! O si mi JESU tuo id mihi contingat munere, ut Crucem tuam subire, post te ferre, fer-

re autem libenter, hilariter, avidè, imò etiam super-
bè possim, & velim? quodsi tam ineptus sum, & tantum
amoris Crucis tuæ incapax: cogi volo, mi JESU. Sal-
tem capax ero coactionis, si non sum voluntatis.

Feria 5.

37. *Vinum myrrhatum Gustas.*
JESUS. Non tamen bibit.

1. **N**Overcalem animum, & odium plùs quàm in-
satiabile, quod neq; benefacere sinè tormen-
to novit: præbet vinum myrrhatum, crucifigendo Chri-
sto, tanquam eum confortare, aut alienare à sensu,
doloreq; mortis volens, sed ne illa misericordia crude-
lis non esset, fel admiscet. O crudelitas? si à doloris
sensu alienare vis, cur fellis amarore crucias? An pro-
pinare odium Christo, quo furebas, volebas? sed quia
non poteras, ideo in symbolum & signum odii fel pro-
pinsbas? An rimabaris viscera Christi, quæ sola à tua
rabie adhuc immunia restabant? nullum sensum Christo
& membrum reliqueras inviolatum; lingua supererat,
hæc igitur erat felle crucianda. Molesta erat forsan illa
Christi tantis in doloribus patientia, & taciturnitas, fel-
le carere videbatur lingua illa, & cor illud, ergo vel
adventitio tingenda erat, ut saltem sic ad asperitatem, &
querelas proliceretur.

2. **G**ustat JESUS de felle, quia hoc opus erat ad
cruciatum gulæ. Intelix sensualitas, & cibo-
rum deliciosorum appetentia, quæ Christo fellis præbet
pocula. At ego miser, & ingratus, hoc Christi crucia-
tu ad gulæ mortificationem non excitor, sed post tot in
vita spirituali transactos annos, adhuc tentationi quo-
tidie succumbo carnali. O fel Christi, quando tandem
mibi sapias, quando incentiva ista deliciarum, ignisq;
bestialis

bestialis
mi, p
hujus p
Mihic
servavit
pascat.

3.

dur ab
Christu
sincera
anima
solatio
Renunt
solatio
moderat
habitati

38.

37

1.

eo illo
tam ei
res hom
Venit J
occafion
loco vit
stulte p
Pissimum

bestialis pabula perfectè detestabor & executiam? JESU mi, per fellis abs te gustati acerbiteratem, da mihi hostis hujus perfectam, constantem, æternamque debellationē. Mihi ciborum delicias, sibi fellis amarorem JESUS reservavit? sic bonus pastor & Pater sibi subtrahit, ut me pascat.

3. **N**on bibit JESUS vinum myrrhatum, quia confortari noluit ad Crucis cruciatum. Nudus ab omni omnino solatio, & auxilio pati, & mori Christus voluit, ut sua Passio plena, & solitaria, & sincera, nullique commoditati permixta esset. Et tu anima mea quando discas, quando assuesces omni exuī solatiō, & merum Passionis Christi calicem gustare? Renuntia exnunc in conspectu JESU Christi, omnibus solatiis, quæ percipis ex convictu, ex amicis, ex commoditate, sanitate, successu aliorum, amore & cura, habitatione, talentis. &c.

Feria 6.

38. *Ventum ad locum mortis. Derabuntur vestes. Crucifigitur JESVS.*

I. **A**D locum mortis venit vita; ut ad locum vitæ venirent mortui; & fortè ideo moriente in loco illo Christo surrexerunt mortui, & venerunt in sanctam civitatem; ut quid ergo in loco mortis adhuc hæres homo? cur non festinas migrare ad regionem vitæ? Venit JESUS ad locum mortis, cur tu fugis locum & occasionem mortificationis? Non stetit Adam primus in loco vitæ, ideo stetit secundus in loco mortis, cur tu stulte primum potius quàm secundum Adam æmularis? Piissime JESU, gratiæ tibi, qui me à monte mortis,

ad montem vitæ, terramque viventium trahis, & transfers; confirma, & radica me in hoc loco Sancto, & monte sanctificato, ut nunquam ad regionem morientium convertar animò.

2. **D**etrahuntur vestes Christo crucifigendo, an non potuit vestitus IESUS crucifigi? potuit, sed crux vestitos non amat: facilius est in paupertate Christi nihil, quam vel minimum quietè possidere. Exue te homo, exue omnibus, non solum superfluis, non solum utilibus, sed etiam quantum potes necessariis. Opus tibi aliquibus est, sed Crux illa non admittit, abjice. Quod non admittat perfectos Crucis amatòres aspice, pares tibi, meliores te, juniores, posteriores te, egentiores te, carent quibusdam, quibus tu carere non potes; non te pudet deteriorem esse illis, quibus exemplo esse deberas? Non te pudet pauperiores alios videre, facere, esse, velle, quam te; cum tamen tu plus illis ad puritatem paupertatis obligatus sis? si in Cruce nudus non es? in Cruce verè non es; quia plenè in Cruce non es, hoc enim quod retines, eò plus de Cruce diminuit, quò plus solatiù terreni permittit. Nudos perfectè vult crux, nudos solatiò privatò, solà vità communi contentos; si in cruce nudus non es? ubi eris? aut in Cruce, aut in inferno perfectè nudari debes? elige, ubi potius velis. Adam cum gustasset ex ligno vetito, indutus est. IESVS gustaturus de ligno Crucis & tormento, exutus est; an ideo, ut sicut ille cum gustasset nudum se vidit: ita IESUS gustaturus nuditate suà vestire illum voluit!

3. **I**Orà vità suà IESVS crucem portaverat ab instanti conceptionis suæ, tandem crucifigitur, & eadem configitur. Hoc est proficere, hoc est quotidie meliorem fieri, scilicet crucem quotidie plus amare, semper mortificationem sui plus anhelare, semper sensualitatis fomenta sibi subtrahere. Crucifigitur IESUS, quando crucifigeris tu? tu inquam, qui tam pridem Crucem

amplexus

amplexu
qui te
alios cr
Crucifi
sum? a
assimila
quidam
esse Cru
ar non s
us est,
est, ubi
mih, i
ego quoc
terea Ch
stum in
est Crux
stus Cru
configar
potenti
non sic
ut humi
rumelita
sit glori
do, nisi

39.

1. **C**H
amur in
mus, si
mus, va
est aliud
stus cruc
tebat, q

amplexus es? qui tantopere aliis crucifixionem sui suades? qui te crucifixum esse ostentas, qui alios crucifigis, qui alios crucifixos tantopere vis; & non esse, indignaris? Crucifigitur JESUS, amor ille meus: & cur ego non sum? an ego melior sum eò, quem amo? O quando tibi assimilabor, amor mi? quando tibi configar? gloriatur quidam magnus crucifixi amator, se Christo confixum esse Cruci, quasi dicat; Christum crucifixerunt milites, at non solum, etiam me cum illo, quoniam ubi amor meus est, & ego necessario sum, siquidem anima magis ibi est, ubi amat, quam ubi animat. Item propter me, mihi, in meum bonum, Christus Cruci affixus est; at ego quoq; propter Christum, & Christo crucifixus sum. Præterea Christus Cruci affixus est clavis, at ego Christo; Christum in cruce tenent clavi, me Christus: denique quod est Crux Christo, hoc est Christus mihi, confixus est Christus Cruci, ego Christo tanquam Cruci. O mi JESU, configantur tibi alii ut diviti, ut pulchro, ut suavi, ut potenti, ut mirabili, ut glorioso, ut triumphanti: ego non sic configi tibi cupio, sed tibi ut abjecto, ut pauperi, ut humili, ut nudo, ut dolenti, ut contempto, ut contumelios affecto, ut crucifixo. Sapias aliis, in aliis, mihi absit gloriari, nisi in Cruce tua, absit me scire aliquid in mundo, nisi te, & te quidem non alium, quam crucifixum.

Sabbato.

39. *Titulus, Elevatio, Latrones.*

1. **C**hristum crucifigi, & titulum affigi, quid est, quam peccare, & peccatum prædicare? & quoties gloriamur in rebus pessimis? si quem confudimus, si vexavimus, si irrisimus, si contristavimus, si in faciem restitimus, veluti rem benè gestam aliis referimus, quod quid est aliud, quam titulum Christo crucifixo apponere? Christus crucifixus, titulum sibi adscribi, & nomen addi volebat, qui miraculis coruscans, nomen suum sileri ab his,

quos sanabat, iubebat, & ego non sic; ego aliquid mali subii, aliquid probrosi? fileo & latere cupio; boni aliquid conatus sum, neminem nescire volo.

2. **C**onsurge tu, qui evangelizas Sion, super montem ascende, elevare, quousque sola terra, sola Hierusalem dolores tuos, & portenta virtutum, amorisque tui spectat? spectet etiam aër, spectet orbis; Anima mea, quæ est ista, & cui usui parata machina, quàm elevare conspicias? An hoc pacto scelus suum Israel toti mundo patefecit, & tanquam Sodoma prædicavit? An ignominie dolorisque causâ attollitur? an ut tu quò tandem currere, quò confugere possis habeas; exponitur? an liber amoris, humilitatis, patientiæ, pauperatis, doloris, ignominie; tibi legendus expanditur? Elevatur IESUS crucifixus à terra in altum; quousque ergo tibi anima cruce tuæ paræ, humiles, & quasi terrenæ sunt? & quando generosa & ardua perpeti incipies?

3. **I**ESUS cum latronibus: te pudet agere cum vilibus. **I**ESUS cum sceleratis deputatus est, te pudet humilibus, & contemptis accenseri. **I**ESUS inter latrones est, ut inter Angelos & homines, inter reprobos & prædestinatos. Maledicît unus, defendit alter latro. Christum, salvatur unus, perit alter, pro! quid hoc? non ambo æquè vicini Christo? non ambo crucifixi? audi ô homo, Religiosus es, in cruce es, cum Christo es? sed nondum securus es? Non in cruce pendere, sed Christum agnoscere, defendere, adorare, prædicare, latroni saluti est. Non in Religione esse, sed inibi bonum esse, saluti est. Et de Cruce, & de clauetro, itur ad tartara. O IESU; quid prodest te sequi, si non contingat consequi? O IESU Crux tua, professio scilicet vitæ hujus, ad salutem mihi sit, non ad ruinam, suffigat cruci spirituali, sed verè Religiosus sim, sed verè moriar tecum, sed non exera te.

Domi-

40.
bla
I. N
obtinent
Cruce,
corpus
cifixi,
tem ser
ob hoc
beatur,
necessita
stus pen
gratiz L
attribuit
vel ab a
patere &
Vestes
relinque
cadere p
sti, nisi
& servi
ab ipso
crucifix
fit sustin
minicâ
verò eid
Christo d
m sui d

Dominica Palmarum.

40. *Vestes Christi. Omnis generis
blasphemie. Oratio Christi pro
crucifixoribus.*

I. **N**udus Christus in Cruce pendet? vestimenta
ipsum in oculis ejus, aut sciuntur, aut forte
obtinentur. Quid est Christum nudum relinquere in
Cruce, vestes autem rapere? animæ curam negligere,
corpus verò & externa curare, imitationem Christi Cru-
cifixi, & Passiones, doloresq; ejus ref. gere: specioso au-
tem servitutis ejus titulo gloriari, & veste conregi, &
ob hoc solum exterius Christum sectari, ut honor ha-
beatur, ut cura, victus, vestitus, habitationis, aliarumq;
necessitatum non sustineatur. Nudus etiam tunc Chri-
stus pendet, vestes verò ejus rapiuntur, quando, quod
gratiz Dei opus est, tamen industriae humanæ propriæ
attribuitur; quando etiam, quod tu benè fecisti: alteri,
vel ab altero imputatur: patitur hoc Christus in Cruce,
patere & tu, solamque facti conscientiam Deo reserva.
Vestes Christi servi ejus sunt, has aliquando Christus
relinquere videtur, quando tribulari, vel à sanctitate eos
cadere permittit. Quare autem dividuntur vestes Chri-
sti, nisi quia non sunt crucifixæ cum Christo; ita ergo
& servi Christi, si cum Christo in Cruce essent, dividi
ab ipso non possent. Dividuntur autem a Christo ante
crucifixionem, quia rarissimus est, qui cum Christo pos-
sit sustinere tentationem, & mortificationem. Hinc Do-
minicâ in Palmis Christo stratz sunt vestes, in Passione
verò eidem suæ detractæ, quia scilicet triumphanti
Christo & faventi multi sunt servi, ab afflicto verò, eti-
am sui discedere non erubescunt. Rarus sanctus in tri-
bulatione

bulatione Christo conjunctus.

2. **S**I Filius Dei es, descende de Cruce. Alios salvos fecit, se non potest. Sine; videamus an veniat Helias liberans eum. Christus Rex Israel descendat de Cruce, & credimus ei. Confidit in Deo, liberet eum nunc, si vult: salvam fac te metipsum, & nos. Hæ, & infinitæ alix, ab omni hominum genere in Christum, in Crucifixum jactatæ sunt blasphemix. Nullo tempore Christus plures legitur blasphemias, quàm pendens in Cruce, pertulisse. An ideo, quia linguæ peccata, hac ultimâ coronide Christum affligere, & à Christo expiari debebant? An quia ubi ultimas Christus exerebat patientiæ vires, extremasque ducebat mansuetudinis lineas, mox mox manum de tabula ablaturus, ibi maximè ad impatientiam, & indignationem, fraude demonis occasiones præbebantur? An quia inchoata benè, & acta fortiter, ut quoque perficiantur constanter, præcipuè est, allaborandum, quippe fini maximè diabolus invidet, & calcaneo potissimum insidiatur. Cautus ergo esto, tantò magis, quantò magis appropinquas fini, vel vitæ, vel operum, vel officiorum. Item tantò magis Dei laudibus, & serviciis incumbere, quantò plures tibi adversarii consurgunt, & quantò magis opera tua hominibus displicent. Scito etiam extremam Sanctorum, & perfectorum vitam, ordinariè tribulationibus & tentationibus, imprimis verò detractionibus infestari, ad hoc ergo te præpara & obarma, quantò eris Sanctior, quantò perfectius Crucem Christi conscenderis, tantò magis linguis aliorum, & domesticorum laceraberis.

3. **O** Ineffabilis dulcedo cordis piissime JESU! O vocem ab initio mundi non auditam! O Dignam Dei Filio patientiam! mansuetudinem, charitatem! Ad vocem istam creatus est quasi denuo mundus, alioquin ob scelus necati Filii Dei periturus. Ad vocem istam magis, quàm ad ipsius Crucifixi spectaculum mollita sunt saxa, excitati mortui, exultavit terra, eru-

buit

buit mur-
tatem co-
præcipu-
O si tu
ut admi-
nem, p-
osillime
suefecas
tu eos,
Pete à C

41.

ju

I.

promiss
Vide te
ligiosæ
audire
tam fer
blican
gnum I
citur,
tibi:
peccata
nimâ

2.

tem.
maritu

buit mundus, quod tantam impietatem, in tantam pietatem commisset. O vocem omnibus Christianis, & præcipue perfectionis studiosis medullitus ediscendam! O si tu anima mea aliquantum tibi præfigas temporis, ut admirabilis hujus precationis viam, sentum, originem, proprietates, effectus, quam solidissimè, fructuosissimè, efficacissimè consideres, ediscas, usurpare confuecas; JESUS orat pro hostibus, excusat crucifixores, tu eos, qui tibi minùs satisfaciunt ægrius ferre audebis? Pete à Christo, cor Christi erga inimicos tuos.

Feria 2.

41. *Hodie mecum eris. Mater juxta Crucem. Ecce filius. Ecce Mater.*

I. **C**onsidera quam ferventer conversus sit iste bonus latro ad Christum, qui tam optandam promissionem obtinere, & dignus cælo evadere potuit. Vide te ipsum, quam tu pridem in hac Cruce vitæ Religiosæ Christi causâ pendes? necdum tamen mereris audire à Christo, hodie mecum eris: quod scilicet non tam ferventer converteris. Et non te pudet, quod Publicani, peccatores, & latrones præcedunt te ad Regnum Dei? quantum dedecus est audire dum latroni dicitur, Hodie mecum: te autem formidare, ne dicatur tibi: nunquam mecum eris. Cur ergo non aliquando peccata, & vitiosos mores deseris? cur non resolutò animâ Crucem Christi amplecteris.

2. **C**onsidera anima mea, Matrem hanc supra modum mirabilem, juxta Crucem Filii consistentem. O mare æneum verè magnū, mare quidem ob amaritudinum copiam; æneum, ob animi tantam in luctibus

Etibus & doloribus firmitatem ! O Mater admirabilis & miserabilis, magna est velut mare contritio tua, & non est qui misereatur tui. O stupenda Mater, quæ Christum JESUM Filium parturit iterum, sed non ad vitam, verum ad mortem, non cum exultatione, sed cum dolore, non in stabulo, sed in Cruce; non in nocte, sed in meridie. O admirabile & lachrymosum puerperium ! O dura Maternitas, quæ hæc lege parit, ut prolem amittas, & cujus parere, est Filio carere ! O anima mea, mirare mecum hanc tam modestam in dolore, tam constantem in adversis, tam quietam in tanta perurbatione, tam misericordem in compatiendo, tam mitem in condonando, tam resignatam in Dei voluntatem, tam magnanimem, in honore suo propter Filium Crucifixum prostituendo. Pete supplex à Matre ista dotes istas, ardentem illi conformari concupisce, ex corde illi compatere, & modò. quò Filio suo illa compatitur.

3 **E**cce Filius tuus: Ecce Mater tua. O voces miras, mortaliumq; cordibus opratissimas. Filium affici Virginis: quid dulcius? Matrem habere MARIAM, quid securius? O Mater non dedignare nos filios, quoniam Deus non est dedignatus te Matrem, impares tibi sumus nos, sed & Deus te infinite dignior. Facta tamen es tu Mater Dei propter nos, fias igitur Mater nostra propter Deum, peperisti nobis Deum, paries nos Deo. Non est hæc indigna dignitate tuâ prerogativa, ut fias Mater universitatis, quæ es Majestatis. Facta eras Mater Dei, quando de Spiritu concepisti, facta es Mater omnium post Deum, quando à Filio vocæ istam, Ecce Filius tuus, audisti; dic igitur nunc etiam Virgo Sancta, illud tuum solenne: Ecce Ancilla Domini, fiat mihi Fili mi secundum verbum tuum. O anima mea, accipe ex hac hora Matrem hanc in tua; ut sit deinceps Mater tua. Ad illam filiali affectu accurre, illam filiali affectu venerare, illam filiali affectu diligere: illi filiali affectu assimilare, illi filiali affectu, fides, assiste,

assiste,
& effice,

42.

7. C

peccato c
tiz splen
anima d
puli signa
tilium,
turi eran
sertim ve
exhorru
pulturis
horruit
mus; vi
quando
quando
ad teneb
gæ exho
quæ te
a. Sol
Ch
Christus
re non c
quare no
rum num
sti mitiga
lores Ch
pter deff
bi hono

affiste, adhære. O MARIA: ecce tu Mater mea; da,
& effice, ut sim ego dignus te filius tuus.

Feria 3.

42. *Tenebræ totius terræ. Derelictio.*

1. **C**onsidera, Crucifixo Christo solem obscuratum in meridie, in plenilunio, ita scilicet dum Christus peccato crucifigitur, omnes hominis justitiæ, omnis gratiæ splendor, omnis dignitas supernaturalis, & meritum ab anima depellitur. Tenebris istis cæcitas Iudaici populi signatur, quæ hodieque durat; designatur cæcitas gentilium, in qua vivebant, & si Christus moreretur, perituri erant; designatur & enormitas omnis peccati, præsertim verò Crucifixi Dei, ad cuius sceleris aspectum Sol exhorruerit, & mortem mundo induxerit, tanquam sepulturæ æternis tenebris, tanti sceleris memoriam. Ohe? horruit Sol peccatum: nos non horrescimus, imò patramus; vide quoties in te talis obscuratio solis contigerit, quando currebas benè, quando Spiritus Dei adfluebat, quando securus gratiæ Divinæ videbas, in meridie ipso ad tenebras æternæ calamitatis devolutus? O quando dignè exhorresces, hanc præsumptuosam tuam securitatem, quæ te velut cæcum in foveam peccati detrudit?

2. **S**ol obscuratus est, & tenebræ per totâ terrâ factæ sunt Christo dolente; usque modo dolet, patiturque Christus, in peccatorum animabus. O tu, si Sol es, quare non contristaris? quare Christi injuriis non condoles? quare non quantum in te est peccata tam in te, si de horum numero es, quàm in aliis impedis, & dolores Christi mitigas? An te obscurari pudet, propter leniendos dolores Christi? & cur non pudit obscurari Christum propter destruendam damnationem tuam? An pretiosior tibi honor tuus, quàm Christo suus? An major apud Christum

stum tu, quàm Christus apud te?

3. **D**eus-Deus meus: ut quid me dereliquisti? verè dicitis piissime IESU, & iustè quereris, cur derelictus sis: quanquam non est vox & quæstio ista velut ignari, non est indignantis, velut irati, nec est conquerentis, velut offensi; sed est magnitudinem doloris opportuno tempore efficaciter declarantis, & se verè pati, ac sentire grandia ostendentis. Derelictus enim eras Domine IESU, non quod dissoluta esset unio illa naturalis & essentialis Personarum, & naturæ Divinæ, aut illa Hypostatica unio naturæ humanæ cum persona Verbi, aut unio gratiæ & voluntatis, aut unio gloriæ, & beatificæ secundum partem superiorem visionis: sed quod dissoluta fuit unio protectionis, quæ ad brevè tempus rupta fuit, ut locum oblatio cruenti sacrificii haberet; pro nostra redemptione. Placuit siquidem Patri, Verbo, & Spiritui Sancto, ad exequendum commune decretum permittere, ut vis humanæ infirmitatis, & possibilitatis, in te ad tempus prevaleret, & sic transigeretur illa hora, de qua olim dixerat ipsemet: Hæc est hora, & potestas tenebrarum. Sic igitur derelictus es, quia permissum est à Deo, ut humana tua natura, absque omni consolatione acerbissimos dolores perferret. Sed quid dices anima, quando de cruce pendens IESUS clamabit ad te: ô anima mea, ô mea creatione, mea tantâ & tali redemptione, ut quid derelinquis, ut quid dereliquisti me, affixum propter te, ne possem derelinquere te? quid ad hæc respondebis illi?

Feria 4.

43. *Sitio. spongia aceto plena porrecta Christo.*

1. **S**itio clamat IESVS; ô quanta vis illius sitis fuit! quam hanc vocem expressit: naturalis fuit, ex summi-
lon.

longissimisque cruciatibus, & ex multis, ac copiosis sanguinis effusionibus, ex continua octodecim horarum poena, & iactatione, fatigationeque contracta fuit. O quibus tibi auferitibus corrupta tua natura; impotensque gula frenanda est; cum videas IESUM, tantâ sit affligi voluisse humanitatem suam?

2: Sed est alia piissime IESU sitis tua gravior, & sua-
VIORE vior; sitis scilicet animarum nostrarum, quas videbas pauculas salvandas, etsi tu tam copiosum sanguinem pro eis fudisses. Itaque cupiens plures salvari, cupis etiam plus pro illis, si ita Patri placeret, cruciari. Itaque clamas, sitio; quasi dicas, quia plures animas meo sanguine efficaciter salvari cupio, ideo plures cruciatus & poenas sitio: quasi dicas. Attendite animæ, quantum diligam vos, tot jam licet perpeffus propter vos, adhuc tamen dolores propter vos sitio. quasi dicas. Attendite irâ, & odium hostile: tu explevisti te poenis meis, & satiasti, at ego nondum: sitio. Tu jam fatigatus & furor, at meus amor adhuc sitit, & clamat, sitio. Overè aquæ multæ non possunt extinguere charitatem & animæ Christianæ, ô mea anima cur tam crudelis es, cur tuo profectu sitim IESU non relevas? cur animas, quas ita sitit IESUS, non sitis: O si posses obtinere, impetrare, experiri, finim illam IESU, quâ ille animas, quâ tuam animam. quæsit, sitivit, curavit? Videte Christiani, quid sitiat? vide tu anima, quid sitis? patine pro Christo? laborare pro Christo? contemni pro Christo? an potius quiescere, honorari, benè habere, & vide quid te deceat, ita sitiente Christo?

3. Spongia aceto plena in siti Christo porrigitur. Natura humana sponsa est, acetum corruptio. Natura ergo humana corrupta Christo propinatur sorbenda, quando illi præceptum datur de ipsa in Cruce redimenda, ideoque sumpsisse legitur acetum, quia & infirmitatem naturæ, & passionem pro homine pertulit. liceat quoque

mihî piſſime IESU gustare de aceto tuo aliquando, hoc est, dolores, contemptusque tuos subire propter te, & sic amorî tuo conformari, nec usque ad mortem de crucis, & humiliatiônis studio remittere.

Feria 5.

44. Consummatum est.

1. **E**Cquid consummatum est Domine IESU? peccatum Iudæ, an peccatum meum? Heu quis scit, an non completa mensura malitiæ meæ, & succedat impœnitens cor, & reprobus sensus? O IESU, libera me a consummatione ista, & serva me opus manuum tuarum; quia quæ utilitas tibi ex tanto sanguine tuo, pro me fuso; si periero nihilominus in peccato meo? Tu autem anima mea, time peccare, & quaslibet imperfectiones, præsertim deliberatas, seriò & constanter vitare propone.

2. **Q**uid consummatum est Domine IESU? an virtus tua, & opus redemptionis nostræ, quod dederat tibi Pater, ut faceres illud? verè nec jora unum præteristi, ex omnibus quæ audieras à Patre; & ego quando ad tantam consummationem, perfectionemque virtutis me resolvam, ut minimum apicem de voluntate tua, nutuque, & inspiratione mi IESU non præteream; ut examulum exequar omnia, quæ requiris à me, ut quàm perfectissimè cupiam, & connitar placere tibi? scio id non esse virium mearum, sed auxiliorum tuorum. Tu ergo mi IESU consummationem hanc operare in me, & usque ad ultimum anhelitum vitæ meæ; conserva illam, & adauge mihi.

3. **Q**uid consummatum est Domine IESU? Dolores tui, Passio tua, tempus potestatis in te
inimi-

inimicorum tuorum, charitas tua? Ita sanè: omnia tran-
 fierunt, consummata sunt, perfecta sunt, præcipuè au-
 tem caritas tua, quâ cum dilexisses nos, usque in fi-
 nem dilexisti, à summo inchoasti amare nos, & non
 nisi in summo desisti, dilexisti nos in finem, quia in
 Sacramento reliquisti nobis Corpus tuum, uique ad
 consummationem sæculi; dilexisti etiam in finem,
 quando idem Corpus tuum, in dolores, & mortem ipsam
 tradidisti pro nobis, ita ut tuæ Passionis efficacia, ad fi-
 nera mundi, infinitis peccatis nostris, non sit exhauri-
 enda. Outinam propter te omnia diligam, adducam
 ad te omnes animas, tuo sanguine redemptas; omnia
 aspera, & abjecta, & vilia sustineam propter te, & pro-
 pter amorem tuû, & propter salutem animarum, preti-
 olo sanguine tuo redemptarum!

Feria 6.

45. *Anima commendata. Mors,
 Miracula. Apertum latus.*

CONSIDERA JESUM consummatis omnibus, cum
 clamore valido clamantem voce magnâ, incli-
 nato capite, humili, & ardenti, plenâque amoris. &
 reverentiæ in Patrem oratione, spiritum, & animam su-
 am, manibus Æterni Patris commendare, & mori. **O**
 miraculum super omnia miracula! **O** calamitatem super
 omnia calamitosa, quæ mundo nunquam contigerunt!
JESUS mortuus est, & pulcherrimus ille nexus purissi-
 mæ carnis, cum sanctissima Anima dissolutus est; sub-
 latum est individuum ex humano genere maximum, &
 excellentissimum; flos & corona naturæ humanæ, mun-
 di & omnis creaturæ decus, pretiosissimumque marga-
 ritum. **O** damnum damnis majus! **O** damnum, quod
 scelus humanum facere potuit, reparare sola omnipo-

tentia poterit; damnum cui mundus univ[er]sus comparari non potest, damnum, cujus solius inflictione Deicidium puniri poterat, nisi per illud commissum esset. Desse hoc damnum anima mea, & ad defendendum omnes creaturas convoca.

2. **N**on est convocando opus: sponte veniunt: en terra mota est, en petra scissæ velum ruptum, en mortui surrexerunt. Perculit damni hujus acerbitas etiam rupes, pertigit ad cadavera, & in ymbum, sensumque emortuis dedit, & tu non percelleris? O te facis duriores, & mortuis magis mortuam animam; meta est tetra mortuo Christo, tu etiamnum segnis, in corpore hæres; rupta sunt petrae, tu quando ad efficaciam, tam copiosi, & pretiosi, inte fusi JESU Christi sanguinis, emollesces, & in manibus Dei tractabilis evades? scissum est velum à summo usque ad deorsum, & detexit Sancta Sanctorum, tu quando peccata confessione deteges? quando cor contritione scindes, quando pretium sanguinis Christi, & viam vitæ, toti, quantum in tè est, mundo evulgare tenaberis? Monumenta aperta sunt, cur tu impiorum corda, per claves penitentia, & prædicationis, Christo patefacere pigritas? Surrexerunt mortui, & ad Sanctam Civitatem venerunt: tu quare non surgis? quare alios non excitas, quare ad Civitatem Sanctam, Christi sanguine jam expugnatam, & apertam non festinas, non trahis, non compellis? Moriente vitâ surgunt mortui, scilicet turbata sunt omnia, & in præposteris abièrunt leges. Mors non aliter occiditur, aut vincitur, nisi cum ad vitam ducitur; quod enim est mors vitæ, hoc vita mortis; & sicut per lucem tenebræ, per tenebras lux occiditur, ita perniciis vitæ mors, perniciis mortis vita est: periit vita, revixit mors, atque hæc ratione mortuo Christo prodierunt mortui ad vitam. Mortuus est JESUS propter te? tu quando mori incipies tibi propter JESUM? Vide quos effusus producat hæc mors Christi? quando illum, incipies

icipies r
eud neg
te, & in
orans,
mittens
stiane,
ria & co
contra
natum,
sti mix
fatis. De
in manu
& Deum
SUS doc
SUS: v
3. **A**
tibi, t
Christi
ingred
officin
ibi abso
tare, f
lescito:
bita ani
tibi plac
JESU, p
in hoc di
amoris o
& da grat
rari in æt

cupies resuscitare in te, in aliis? Vide an tuâ culpâ, an tuâ negligentia, non sit mortuus Christus, etiamnum in te, & in aliorum cordibus? Mortuus est JESUS clamans, orans, caput inclinans, Patri Spiritum tradens, & committens, lachrymas fundens. Disce à Christo mori Christiane, ad mortemque te præparare. Clamor est poenitentia & contritio. Oratio, est vanæ postulatio, & auxiliû contra luctas cum dæmonibus imploratio: caput inclinatum, animus est divinæ misericordiae, & meritis Christi innixus, & confusus. Comploratio & lachrymæ, satisfactio est. Denique Patris compellatio, & Spiritus in manus ejus commendatio, nihil conscientiam sibi mentem, & Deum videre desiderantem significat. Sic mori te IESUS docuit; sed si mori vis, quomodo mortuus est IESUS: vive, quomodo vixit IESUS.

3. **A** Pertum est latus Christi, ingredi, cor Christi cupis? patet porta. Sed adhuc illud non habes tibi, tuæque desideria imputa. Et quid est habere cor Christi? inter pericula vivis, cur latus Christi non intras? ingredi anima mea, ingredi confidenter, in hanc officinam bonorum, & donorum, & gratiarum; si times? ibi abscondere: si nuda es? ibi vestire, si egena es? dicere, si ægra? sanare: si rudis? erudire: si frigida? calefescito: si maculata? lavator: si fessa? quiescito; Hic habita anima mea, hic spira, hic vive, extra hoc latus nihil tibi placeat, nihil luceat, nihil sapiat, nihil vivat. O JESU, permitte me ingredi in latus tuum, permitte me in hoc divinitatis palatio, in hac sanctitatis sede, in hac amoris officina, in hoc gratiarum gazophilacio habitare, & da gratiam, ut in eo dignè possim degere, vivere, morari in æternum.

46. Deposito, Unguenta,
Sepultura.

1. **T**Andem accingere anima mea, & JESUM tuum de Cruce depone; quousque enim illum in Cruce imperfectionum tuarum extendes? Considera has Cruces, detestare illas, & emendationem propone. Non se ipsum Christus deposuit, sed deponi ab aliis voluit, perseverandum enim est in bonis, & in voluntatis Divinæ implementatione, neque pro tuo libitu cessandum, sed quamdiu placeat Deo, manendum, & patiendum, quod si molestum est, & probrosam, cogita non esse molestius dolore mortis, nec ignominiosius supplicio Crucis.
2. **D**eposuit de Cruce JESUM? non est satis; unge insuper, & mundâ syndone involve; unguenta tua, devotio voluntatis, puritas cordis, fervor orationis, stabilitas cogitationis, in Deum defixio mentis, vigor Spiritus, sublevatio à terrenorum sapore, non solum animæ, sed etiam corporis, sinceritas intentionis, constantia boni operis, denique jugis recogitatio & imitatio Crucis Christi & Passionis. His unguentis JESUM unge, & places; sed unde hæc tibi unguenta? pyxides aromaticas quare. En apotheca plena & instructa JESUS ipse, tot pyxides hic, quot vulnera, sanguis ejus, dolor ejus, mors ejus, hoc est unguentum ejus, hinc sume unguenta; hæc effunde; nec metue repulsam, in hos usus exposita sunt; securus adi, sume, utere. O anima cur ergo hæc vulnera non amas, non usurpas, non oscularis, non nocte, dieque cogitas, non tibi efficaciter & medullitus imprimis? JESU tui hoc muneris est, tu dona.
3. **S**i unxisti JESUM, etiam sepeli. Sepulchrum JESU tui hoc muneris est: saxum sit contra peccata & tentationes

71
Quadragesima


durum, cavatum tamen, excilum & novum, quia mundum & purificatum, & à turbis passionum secretum & liberum. Ibi sepeli JESUM anima mea, scilicet pactū æternum cum JESU ini, quod nempe illi servire, ipsam toto corde amare, memoriam Passionis ejus semper in corde habere, virtutes ipsius seriò imitari, in teque exprimere, secundum cor JESU, cor tuum dirigere, aliorum corda ad JESVM adducere, ipsique in perpetuum addicere velis. Mi JESU, mane in me sepultus, & ut tantò securius quiescas, sigillum vulnerum tuorum appone, custodis tuis cor meum circumda, ut fiat in pace locus tuus, quo maneas apud me quietus, & tutus ad mortem.


Amen.

A. M. D. G.









Biblioteka Jagiellońska



stdr0022027

